

尚書

陳司業公手錄尚書一冊海峽中表
在井福設帳贈後朝柏珍藏時
嘉慶戊午四月 園叟筆



虞書

左傳引大禹謨皋陶謨之文皆謂之夏書夏史所作也此云虞書或以為孔子所定

堯典

曰若稽古帝堯。曰放勳。欽明文思安安。允恭克讓。光被四
表格于上下。克明俊德。以親九族。九族既睦。平章百姓。
百姓昭明。協和萬邦。黎民於變時雍。○乃命羲和。欽若昊
天曆象。日月星辰。敬授人時。分命羲仲。宅嵎夷。曰暘谷。
寅賓出日。平秩東作。日中星鳥。以殷仲春。厥民析。鳥獸孳



尾。申命羲叔，宅南交。平秩南訛，敬致日永。星火以正仲夏。厥民因，鳥獸希革。分命和仲，宅西。曰昧谷，寅餞納日。平秩西成，宵中，星虛以殷仲秋。厥民夷，鳥獸毛毳。申命和叔，宅朔方。曰幽都，平在朔易。日短，星昴以正仲冬。厥民隩，鳥獸氄毛。帝曰：咨，汝羲暨和，朞二百六旬有六日，以閏月定四時成歲，允釐百工，庶績咸熙。○帝曰：疇咨若時登庸。放齊曰：胤子朱啟明。帝曰：吁，嚚訟可乎。帝曰：疇咨

若予采，驩兜曰：都。共工方鳩僝功。帝曰：吁，靜言庸違，象恭滔天。帝曰：咨，四岳，湯湯洪水方割，蕩蕩懷山襄陵，浩浩滔天。天下民其咨有能俾乂。僉曰：於鯀。帝曰：吁，咈哉。方命圯族。岳曰：異哉，試可乃已。帝曰：徃欽哉。九載績用弗成。○帝曰：咨，四岳，朕在位七十載，汝能庸命，罔朕位。岳曰：否德忝帝位。曰：明明揚側陋。師錫帝曰：有鰥在下。曰：虞舜。帝曰：俞。予聞如何。岳曰：瞽子，父頑，母嚚，象傲，克諧以孝，烝烝乂

不格姦帝曰我其試哉女于時觀厥刑于二女釐降二女于媯汭嬪于虞帝曰欽哉

舜典

伏生今文欽哉下即接慎徽五典而統名堯典梅賾所上孔傳分為舜典尚闕篇首二十八字至姚方興所上孔傳古文始有之

曰若稽古大舜曰重華協于帝濬哲文明溫恭允塞玄德

升聞乃命以位

孟子引放勳殂落不曰舜典曰堯典可知分為舜典之非重華雖見楚辭玄德雖見淮南子虞夏之文恐不若此之配偶勻齊統有定式者然且千年古文缺于東晉梅賾所上及全于蕭齊姚方興所得終屬可疑也

慎徽五典五典克從納于百揆百揆時敘賓于四門四門

穆穆納于大麓烈風雷雨弗迷○帝曰格汝舜詢事考言

乃言底可績三載汝陟帝位舜讓于德弗嗣

金履祥曰王文憲謂論語引堯

曰一節當在此

正月上日受終于文祖

在璿璣玉衡以齊七政

肆類于上帝禋于六宗望于山川徧于羣神輯五瑞

既月乃日覲四岳羣牧班瑞于羣后歲二月東巡守至

于岱宗柴望秩于山川肆覲東后五玉三帛二牲一死贄

協時月正日同律度量衡修五禮如五器卒乃復五月南

巡守至于南岳如岱禮八月西巡守至于西岳如初十有
一月朔巡守至于北岳如西禮歸格于藝祖用特 五載
一巡守羣后四朝敷奏以言明試以功車服以庸 肇十
有二州封十有二山濬川 象以典刑流宥五刑鞭作官
刑扑作教刑金作贖刑書災肆赦怙終賊刑欽哉欽哉惟
刑之恤哉 流共工于幽州放驩兜于崇山竄三苗于三
危殛鯀于羽山四罪而天下咸服 二十有八載帝乃殂

落百姓如喪考妣三載四海遏密八音○月正元日舜格
于文祖 詢于四岳闢四門明四目達四聰 咨十有二
牧曰食哉惟時柔遠能邇惇德允元而難任人蠻夷率服
舜曰咨四岳有能奮庸熙帝之載使宅百揆亮采惠疇
僉曰伯禹作司空帝曰俞咨禹汝平水土惟時懋哉禹拜
稽首讓于稷契暨臯陶帝曰俞汝往哉 帝曰棄黎民阻
飢汝后稷播時百穀 帝曰契百姓不親五品不遜汝作

司徒敬敷五教在寬。帝曰：臯陶蠻夷猾夏，寇賊姦宄，汝作士，五刑有服，五服三就，五流有宅，五宅三居，惟明克允。帝曰：疇若予工，僉曰：垂哉。帝曰：俞，咨垂，汝共工，垂拜稽首讓于殛，暨伯與。帝曰：俞，往哉，汝諧。帝曰：疇若予上下，草木鳥獸，僉曰：益哉。帝曰：俞，咨益，汝作朕虞，益拜稽首讓于朱虎，熊羆。帝曰：俞，往哉，汝諧。帝曰：咨，四岳，有能典朕三禮，僉曰：伯夷。帝曰：俞，咨伯，汝作秩宗，夙夜惟寅，直哉。

惟清伯拜稽首，讓于夔龍。帝曰：俞，往欽哉。帝曰：夔，命汝典樂，教胄子，直而溫，寬而栗，剛而無虐，簡而無傲。詩言志，歌永言，聲依永，律和聲，八音克諧，無相奪倫，神人以和。帝曰：龍，朕聖，讒說殄行，震驚朕師，命汝作納言，夙夜出納朕命，惟允。帝曰：咨，汝二十有二人，欽哉，惟時亮天功。○三載考績，三考黜陟幽明，庶績咸熙，分北三苗。○舜生三十徵庸，三十在位，五十載陟方，乃死。

陟方猶云省方也。左思三都賦云：鳥聞梁益有陟方之館，行宮之基。

堯舜相禪之際蓋難言哉謂史遷五帝本紀之世系信也則舜以旁支入繼大統步攝告至告即位于文祖藝祖堯之祖廟即舜祖廟後來郊饗宗堯即是後大宗者不復顧其私親之戚憲也疑之者曰同出黃帝不應世數若是相懸曾祖姑不應下嬪四世族孫放勳親睦九族不應族有大聖而尚未深知是本紀世系未可以為信也直抵諸庶民中而禪之可書固明云側陋也然又有可疑者當其見于文祖藝祖且豈曰傳其位者為其後工祝致告如堯之子然歟若然則與崇世宗之繼罔無以異不得謂之官天下也意必如後代祭歷代帝王廟而加隆于其所從授者可祭法有虞氏郊饗宗堯夏則郊饗宗禹以舜之大孝及遺其親而禹又不顧授以天下者聖人行事何其不侔也豈以舜為顯項六世孫禹為顯項之孫或云有不便郊宗舜者歟然漢書歷律去以鯀為顯項五世孫則禹與舜兄弟行也弟胡不可嗣兄哉要之帝世系及祭法俱難依據

大禹謨 今文無古文有

曰若稽古大禹曰文命敷于四海祇承于帝 曰后克艱厥后臣克艱厥臣政乃乂黎民敏德 帝曰俞允若茲嘉言罔攸伏野無遺賢萬邦咸寧稽于衆舍己從人不虐無告不廢困窮惟帝時克 益曰都帝德廣運乃聖乃神乃武乃文皇天眷命奄有四海為天下君 禹曰惠迪吉從逆凶惟影響 益曰吁戒哉儆戒無虞罔失法度罔遊于逸罔淫于

誦舜固諛
誦堯亦屬
無味
禹言義不
接續

樂任賢勿貳去邪勿疑疑謀勿成百志惟熙罔違道以干
百姓之譽罔拂百姓以從己之欲無怠無荒四夷來王禹
曰於帝念哉德惟善政政在養民水火金木土穀惟修正德
利用厚生惟和九功惟敘九敘惟歌戒之用休董之用威勸
之以九歌俾勿壞帝曰俞地平天成六府三事允治萬
世永賴時乃功帝曰格汝禹朕宅帝位三十有三載耄
期倦于勤汝惟不怠總朕師禹曰朕德罔克民不依臯

陶邁種德德乃降黎民懷之帝念哉念茲在茲釋茲在茲
名言茲在茲惟帝時在茲惟帝念功帝曰臯陶惟茲臣
庶罔或干予正汝作士明于五刑以弼五教期于予治刑
期于無刑民協于中時乃功懋哉臯陶曰帝德罔愆臨
下以簡御衆以寬罰弗及嗣賞延于世宥過無大刑故
無小罪疑惟輕功疑惟重與其殺不辜寧失不經好生
之德洽于民心茲用不犯于有司帝曰俾予從欲以治

君譽其臣
排對

人心二句見
荀子謂之
道書

四方風動惟乃之休 帝曰來禹降水傲予成允成功惟
汝賢克勤于邦克儉于家不自滿假惟汝賢汝惟不矜
天下莫與汝爭能汝惟不伐天下莫與汝爭功予懋乃德
嘉乃丕績天之曆數在汝躬汝終陟元后 人心惟危道
心惟微惟精惟一允執厥中 無稽之言勿聽弗詢之謀
勿庸 可愛非君可畏非民衆非元后何戴后非衆罔
與守邦欽哉慎乃有位敬修其可願四海困窮天祿永終

論語文曰
一節何等
簡括今分
作三處
插入補綴
之迹顯然
以實齊
亦以命禹也吾

數句不過一
句可了

通套檄文

惟口出好興戎朕言不再 禹曰枚卜功臣惟吉之從帝
曰禹官占惟先蔽志昆命于元龜朕志先定詢謀僉同鬼
神其依龜筮協從卜不習吉禹拜稽首固辭帝曰毋惟汝
諧 正月朔旦受命于神宗率百官若帝之初 帝曰咨禹
惟時有苗弗率汝祖征禹乃會羣后誓于師曰濟濟有衆
咸聽朕命蠢茲有苗昏迷不恭侮慢自賢反道敗德君子
在野小人在位民棄不保天降之咎肆予以爾衆士奉辭

誰欺

將父母与苗
頑比說不成
文理 無處
插入孟子兩
引兩段乃用
之征苗計亦
窘迫矣

伐罪爾尚一乃心力其克有勳 三句苗民逆命益贊于

禹曰惟德動天無遠弗届滿招損謙受益時乃天道帝初

于歷山往于田日號泣于旻天于父母負罪引慝祇載見瞽

瞍夔夔齊慄瞽亦允若至誠感神矧茲有苗禹拜昌言

曰俞班師振旅帝乃誕敷文德舞于羽于兩階七句有

苗格

帝廷言語尤難摹擬故古文之可疑莫甚于此漢篇中臯陶邁行位
地平天成与共殺不辜寧失不徑水火金木土穀惟修等句俱見左傳謂
之夏書人心之危道心之微見于荀子謂之道徑天之曆在尔躬之批
共中四海困窮天祿永終見論語性于四非注于旻天祇載見瞽瞍
夔夔齊慄替之見于孟子性之故志昆命于元龜及文命之稱
見史記一篇之中皆備于此其所以取信于人也然觀于文義語氣惟
帝時克之下益贊帝位無不指堯指舜摠說誦而無謂也忽接吉凶
影響之論二變粗淺傲戒無虞數句何至調之排比整齊也亦陳歌
叙之規帝以歸功于亦率入巽位自克艱厥后至此帝亦益三人
之皆贊義極不相接因亦謙臯陶帝以美臯陶臯陶亦誦
帝再歸美臯陶德以帝極于稱獎亦見臣之間何至一味稱
譽也亦之功能功克儉克勤不於不伐見其盛矣無稽勿體以
下戒勉語何必以不必更諫復也取論語堯曰四句不在三交頭緒補

奏惟口出好句尤覺不倫。朕言不再。直但似矣。朕去之。五句不
過數行。惟乞放去一句。唐虞之文。如是。字征苗。禁師。通套。常語。以上種
種可疑。皆在文脈詞氣。義理。為云。背諫也。至益焚。可之。云。則義理
亦深矣。征苗不叛。伊。子。舜。子。也。謂。背。諫。之。頑。至。誠。為。可。我。極。何
況于苗。以父也。為有苗。不足。是。何。文。理。耶。不。過。全。不。得。于。田。辨。注。祇
我。之。名。云。必。已。插。入。道。致。乘。深。以。此。舞。干。兩。階。便。可。極。苗。亦
是。嘉。華。好。聽。話。了。亦。何。足。典。阜。陶。謨。文。義。何。等。尚。古。而
宏。深。中。間。插。入。此。篇。類。乎。不。類。乎。讀。其。詳。之。

皋陶謨

曰若稽古皋陶。曰允迪厥德。謨明弼諧。禹曰俞。如何。皋陶
曰都。慎厥身。修思永。惇敘九族。庶明勵翼。邇可遠在茲。禹
拜昌言曰俞。皋陶曰都。在知人。在安民。禹曰吁。咸若時。
惟帝其難之。知人則哲。能官人。安民則惠。黎民懷之。能哲
而惠。何憂乎驩兜。何遷乎有苗。何畏乎巧言令色孔壬。
皋陶曰都。亦行有九德。亦言其人有德。乃言曰載采采。禹

曰何臯陶曰寬而栗柔而立愿而恭亂而敬擾而毅直而
溫簡而廉剛而塞彊而義彰厥有常吉哉 日宣三德夙
夜浚明有家日嚴祇敬六德亮采有邦翕受敷施九德咸
事俊乂在官百僚師師百工惟時撫于五辰庶績其凝
無教逸欲有邦兢兢業業一日二日萬幾無曠庶官天工
人其代之 天敘有典勅我五典五惇哉天秩有禮自我
五禮有庸哉同寅協恭和衷哉天命有德五服五章哉天

討有罪五刑五用哉政事懋哉懋哉 天聰明自我民聰
明天明畏自我民明威達于上下敬哉有土 臯陶曰朕
言惠可底行禹曰兪乃言底可績臯陶曰予未有知思日
贊贊襄哉

益稷

今文合為一篇古文分為二別立此名

帝曰來禹汝亦昌言禹拜曰都帝予何言予思日孜孜臯
陶曰吁如何禹曰洪水滔天浩浩懷山襄陵下民昏墊予

乘四載隨山刊木暨益奏庶鮮食予決九川距四海濬畎
澮距川暨稷播奏庶艱食鮮食懋遷有無化居烝民乃
粒萬邦作乂皐陶曰俞師汝昌言禹曰都帝慎乃在位
帝曰俞禹曰安汝止惟幾作康其弼直惟動不應溪志以
昭受上帝天其申命用休帝曰吁臣哉鄰哉鄰哉臣哉
禹曰俞帝曰臣作朕股肱耳目予欲左右有民汝翼予
欲宣力四方汝爲予欲觀古人之象日月星辰山龍華蟲

作會宗彝藻火粉米黼黻絺繡以五采彰施于五色作服
汝明予欲聞六律五聲八音在治忽以出納五言汝聽
予違汝弼汝無面從退有後言欽四鄰庶頑讒說若不
在時候以明之槌以記之書用識哉欲並生哉工以納言
時而颺之格則承之庸之否則威之禹曰俞哉帝光天
之下至于海隅蒼生萬邦黎獻共惟帝臣惟帝時舉敷納
以言明庶以功車服以庸誰敢不讓敢不敬應帝不時敷

照史記舜
之大聖禹何
用以丹朱進
戒蓋舜自
言其德創
于丹朱自史
公應別有所
本視今文為
勝

同日奏罔功帝曰無若丹朱傲惟慢遊是好傲虐是作罔晝

夜頡頏罔水行舟朋淫于家用殄厥世予創若時禹曰娶于塗

山辛壬癸甲啓呱呱而泣予弗子惟荒度土功弼成五服

至于五千州十有二師外薄四海咸建五長各迪有功苗

頑弗即工帝其念哉帝曰迪朕德時乃功惟敘臯陶方祗

厥敘方施象刑惟明夔曰夏擊鳴球搏拊琴瑟以詠祖

考來格虞賓在位羣后德讓下管鼗鼓合止祝敔笙鏞以

聞鳥獸蹌蹌蕭韶九成鳳凰來儀夔曰予擊石拊石百

獸率舞庶尹允諧帝庸作歌曰勅天之命惟時惟幾乃

歌曰股肱喜哉元首起哉百工熙哉臯陶拜于稽首颺言

曰念哉率作興事慎乃憲欽哉屢省乃成欽哉乃賡載歌

曰元首明哉股肱良哉庶事康哉又歌曰元首叢脞哉股

肱惰哉萬事隳哉帝拜曰俞往欽哉

舜訓教胃止及四條臯陶則益而為九詳盡精察萬古論德之宗也後儒言德多原于心臯陶言德皆主于行而驗于事曰章內外相符也曰有常始終如一也後代守此以為用人之准三定三俊提挈此九德

自論德不實考諸行事而德為虛偽可託矣。見復

夏書

朱筆旁添照史記其減字之記參觀可知司馬遷史法

禹貢

禹乃行相地宜所有以貢及山川之便利禹行自冀州始

禹敷土隨山刊木奠高山大川○冀州既載壺口治
梁及岐既修太原至于岳陽單懷底績至于衡漳
厥土惟白壤厥賦惟上上錯厥田惟中中恆衛既從
大陸既作島夷皮服夾右碣石入于河○濟河惟兗
州九河既道雷夏既澤澠沮會同桑土既蠶是

蘇軾說貞賦
与田正相當也

降丘宅土。厥土黑墳。厥草惟繇。厥木惟條。厥田惟中。

下。厥賦貞。作十有三載。乃同。厥貢漆絲。厥篚織文。浮

于濟。漑達于河。○海岱惟青州。嵎夷既略。淮淄其道。

厥土白墳。海濱廣斥。厥田惟上下。厥賦中上。厥貢

鹽絺。海物惟錯。岱畎絲枲。鉛松怪石。萊夷作牧。厥篚檠絲。

浮于汶。達于濟。○海岱及淮。惟徐州。沂沂其又。蒙

羽其藝。大野既豬。東原底平。厥土赤埴墳。草木漸

包。厥田惟上中。厥賦中中。厥貢惟土五色。羽畎夏翟。

嶧陽孤桐。泗濱浮磬。淮夷蠙珠暨魚。厥篚絜纒。浮于

淮。泗達于河。○淮海惟揚州。彭蠡既豬。陽鳥攸居。

三江既入。震澤底定。條蕩既敷。厥草惟夭。厥木惟喬。

厥土惟塗泥。厥田惟下下。厥賦下上錯。厥貢惟金

三品。瑶琨篠簜。齒革羽毛。惟木。島夷卉服。厥篚織貝。厥包

橘柚錫貢。沿于江海。達于淮泗。○荆及衡陽。惟荊州。

江漢朝宗于海 九江孔殷 沱潛既道 雲土夢作乂

厥土惟塗泥 厥田惟下中 厥賦上下 厥貢羽毛齒革

惟金三品 柁榦栝柏 礪砥砮丹 惟筍簞楛 三邦底貢 厥名

包匭菁茅 厥篚玄纁璣組 八江納錫大龜 浮于江沱潛

漢逾于洛 至于南河 荆河惟豫州 伊洛漣澗 既入于

河 滎波既豬 導荷澤被孟豬 厥土汙壤 下土墳壚

厥田惟中上 厥賦錯上中 厥貢漆枲 絺紵 厥篚織纊

錫貢磬錯 浮于洛 達于河 華陽黑水 惟梁州 岷嶓

既藝 沱潛既道 蔡蒙旅平 和夷底績 厥土青黎

厥田惟下上 厥賦下中三錯 厥貢璆鐵 銀鏤 砮磬 熊

羆 狐豸 織皮 西傾因桓 走來浮于潛 逾于沔 入于渭 亂

于河 黑水西河 惟雍州 弱水既西 涇屬渭汭 漆

沮既從 澧水攸同 荆岐既旅 終南惇物 至于鳥鼠

原隰底績 至于豬野 三危既宅 三苗丕敘 厥土惟黃

孔傳北鼎

壤厥田惟上上厥賦中下厥貢惟球琳琅玕浮于積石至于龍門西河會于渭汭織皮崑崙析支渠搜西

戎即敘

^{九山}導岍及岐至于荆山逾于河壺口雷首至于太岳底柱析城至于王屋太行恆山至于碣石入于海西傾朱圉鳥鼠至于太華熊耳外方桐栢至于陪尾等蟠冢至于荆山內方至于大別岷山之陽至于衡山遇九江至于敷

淺原

^{九川}導弱水至于合黎餘波入于流沙導黑水至于三危入于南海導河積石至于龍門南至于華陰東至于砥柱又東至于孟津東過洛汭至于大伾北過洛水至于大陸又北播爲九河同爲逆河入于海蟠冢導漾東流爲漢又東爲滄浪之水過三澨至于大別南入于江東匯澤爲彭蠡東爲北江入于海岷山導江東別沱為又東至于澧

過九江至于東陵東迤北會于匯東為中江入于海導
沅水東流為濟入于河溢為滎東出于陶丘北又東至于
荷又東北會于汶又北東入于海導淮自桐栢東會于
泗沂東入于海導渭自鳥鼠同穴東會于澧又東會于
涇又東過漆沮入于河導洛自熊耳東北會于澗瀍又
東會于伊又東北入于河

於是九州攸同四隩既宅九山刊旅九川滌源九澤既陂四海

會同六府孔修庶土交正底慎財賦咸則三壤成賦中
邦錫土姓祗台德先不距朕行令天子之司以外五百里甸服百里

賦納總二百里納銍三百里納秸服四百里采五百里米

甸服外五百里侯服百里采二百里男邦三百里諸侯侯服外五百

里綏服三百里揆文教二百里奮武衛綏服外五百里要服三

百里夷二百里蔡要服外五百里荒服三百蠻二百里流東

漸于海西被于流沙朔南暨聲教訖于四海禹錫玄圭告

厥成功

讀禹貢

洪武人朱伯賢

序

讀禹貢而知聖人之書法謹而有辨也。其載九州山川地里曲折及貢賦封域之事言簡義密。詳嚴意周。一字之間含蓄無盡。如書山川。廣平曰原。下濕曰隈。山南曰陽。水北曰內。地高曰丘。再成曰陶。高平曰陸。瀦水曰津。其土色。五塊曰壤。土黏曰埴。脉起曰墳。青黑曰黎。玄而疏曰墟。其州木。少長曰天。上竦曰高。繇言其茂。條言其長。叢生而積曰包。其水道。因水入水曰達。循行水涯曰沿。舟行水上曰浮。絕水而渡曰逾。曰亂。大水合小水謂之過。小水合大水謂之入。二水勢均相入謂之會。而合于一謂之

之同其治功除木曰利祭山曰旅致功曰績可種曰藝可治曰
又順其道曰從得其正曰殷經始治之謂之載已盡平治謂之
既其賦位最薄曰負雜出曰錯其責法孝獻曰負蓋盛曰匪
包裹曰包待命曰錫非一物曰錯凡例不遇四十而千萬世之
聖功盛治盡在是矣因論次之以便覽者

甘誓 今文古文皆有

大戰于甘乃召六卿 王曰嗟六事之人予誓告汝 有
扈氏威侮五行怠棄三正天用勦絕其命今予惟恭行天
之罰 左不攻于左汝不恭命右不攻于右汝不恭命御
非其馬之正汝不恭命 用命賞于祖不用命戮于社予
則孥戮汝

孔傳怠惰廢棄天地人之正道言亂常故專指于丑寅之逆建其義尤廣

五子之歌

今文無古文有

太康尸位以逸豫滅厥德黎民咸貳乃盤遊無度畋于有
洛之表十旬弗反有窮后羿因民弗忍距于河厥弟
五人御其母以從徯于洛之汭五子咸怨述大禹之戒以
作歌其一曰皇祖有訓民可近不可下民惟邦本本固
邦寧予視天下愚夫愚婦一能勝予一人三失怨豈在明
不見是圖予臨兆民慄乎若朽索之馭六馬為人上者柰

何不敬其二曰訓有之內作色荒外作禽荒甘酒嗜音
峻宇彫牆有一于此未或不亡其三曰惟彼陶唐有此
冀方今失厥道亂其紀綱乃底滅亡其四曰明明我祖
萬邦之君有典有則貽厥子孫闡石和鈞王府則有荒墜
厥緒覆宗絕祀其五曰嗚呼曷歸予懷之悲萬姓仇予
予將疇依鬱陶乎予心顏厚有忸怩弗慎厥德雖悔可追

胤征 今文無古文有

惟仲康肇位四海。胤侯命掌六師。羲和廢厥職。酒荒于厥
邑。胤后承王命。祖征。告于衆曰。嗟予有衆。聖有謨訓。明
徵定保。先王克謹天戒。臣人克有常憲。百官修輔。厥后惟
明明。每歲孟春。道人以木鐸徇于路。官師相規。工執藝
事以諫。其或不恭。邦有常刑。惟時羲和。顛覆厥德。沈亂
于酒。畔官離次。傲擾天紀。遐棄厥司。乃季秋月朔。辰弗集

于房瞽奏鼓。嗇夫馳庶人走。羲和尸厥官。罔聞知。昏迷于天象。以干先王之誅。政典曰。先時者殺無赦。不及時者殺無赦。今予以爾有衆。奉將天罰。爾衆士同力。王室尚弼。予欽承天子威命。火炎崑岡。玉石俱焚。天吏逸德。烈于猛火。殲厥渠魁。脅從罔治。舊染汙俗。咸與惟新。嗚呼。威克厥愛。允濟。愛克厥威。允罔功。其爾衆士懋戒哉。

黃黎洲云。左傳昭十七年六月朔日食。祝史請幣。季平子曰。惟正月朔。慝亦作。日有食之。于是乎伐鼓用幣。禮也。其餘則否。太史曰。在此月也。以周六月是夏四月。為正陽之月。正合用幣。引夏書辰不集于房。四句為證。謂此月朔之謂也。杜注夏書為逸書。今古文尚書乃季秋月朔。去季秋。夏之九月也。而太史以証夏四月之日食。可見夏書本文不同。孔書左氏而非偽也。不能不致疑于古文矣。

黃氏曰。抄云。史記載太原。先國太原。前弟仲康立。夏果磨太原而立。其弟宜待太原之前。亦近世燭湖。孫季和。主薛常州。士統之。說謂考以地理。野距太原。授其都。太原不知所終。仲康乃之。洛地自立。今洪州太原。是也。仲康既在。五弟之數。後于洛。不在舊邦。不為野。取之。爾康是太原。先都自在河北。仲康別立。自在河南。仲康沒而相繼。其使。其子。凌侵相于。

于河南相避于帝丘後竟滅之相后身逃歸者仍生少康夏乃中
興此說与經文距于河五子御其母以從命

商書

湯誓

王曰格爾衆庶悉聽朕言非台小子敢行稱亂有夏多罪
天命殛之今爾有衆汝曰我后不恤我衆舍我穡事而
割正夏予惟聞汝衆言夏氏有罪予畏上帝不敢不正
今汝其曰夏罪其如台夏王率遏衆力率割夏邑有衆率
怠弗協曰時日曷喪予及汝皆亡夏德若茲今朕必往

爾尚輔予一人致天之罰予其大賚汝爾無不信朕不食
言爾不從誓言予則孥戮汝罔有攸赦

仲虺之誥

今文無古文有

成湯放桀于南巢惟有慙德曰予恐來世以台爲口實
仲虺乃作誥曰嗚呼惟天生民有欲無主乃亂惟天生聰
明時又有夏昏德民墜塗炭天乃錫王勇智表正萬邦纘
禹舊服茲率厥典奉若天命夏王有罪矯誣上天以布
命于下帝用不臧武商受命用夾厥師簡賢附勢實繁
有徒肇我邦于有夏若苗之有莠若粟之有秕小大戰戰

罔不懼于非辜。矧予之德言足聽聞。惟王不邇聲色。不殖貨利。德懋懋官。功懋懋賞。用人惟已。改過不吝。克寬克仁。彰信兆民。乃葛伯仇餉。初征自葛。東征西夷。怨南征北狄。怨曰奚獨後予。攸徂之民。室家相慶。曰徯予后。后來其蘇。民之戴商。厥惟舊哉。佑賢輔德。顯忠遂良。兼弱攻昧。取亂侮亡。推亡固存。邦乃其昌。德日新。萬邦惟懷。志自滿。九族乃離。王懋昭大德。建中于民。以義制事。以禮制

心。垂裕後昆。予聞曰。能自得師者王。謂人莫已若者亡。好問則裕。自用則小。嗚呼。慎厥終。惟其始。殖有禮。覆昏暴。欽崇天道。永保天命。

湯誥

王歸自克夏。至于亳。誕告萬方。王曰。嗟爾萬方有衆。明聽予一人誥。惟皇上帝降衷于下民。若有恆性。克綏厥猷。惟后。夏王滅德作威。以敷虐于爾萬方百姓。爾萬方百姓。罹其凶害。弗忍荼毒。竝告無辜于上下神祇。天道福善。禍淫。降災于夏。以彰厥罪。肆台小子。將天命明威。不敢赦。敢用玄牡。敢昭告于上天神后。請罪有夏。聿求元聖。與

之戮力。以與爾有衆。請命。上天孚佑下民。罪人黜伏。天命弗僭。貴若草木。兆民允殖。俾予一人輯寧爾邦家。茲朕未知獲戾于上下。慄慄危懼。若將隕于深淵。凡我造邦。無從匪彝。無卽怙淫。各守爾典。以承天休。爾有善。朕弗蔽^敢罪。當朕躬。弗敢自赦。惟簡在上帝之心。其爾萬方有罪。在于一人。予一人有罪。無以爾萬方。嗚呼。尚克時忱。乃亦有終。

黃黎洲云凡我造邦五句見于國語稱文武之教知其誤襲周制以為湯
浩也

伊訓 今文無古文有

惟元祀十有二月乙丑伊尹祠于先王奉嗣王祗見厥祖
侯甸羣后咸在百官總已以聽冢宰伊尹乃明言烈祖之
成德以訓于王曰嗚呼古有夏先后方懋厥德罔有天
災山川鬼神亦莫不寧暨鳥獸魚鼈咸若于其子孫弗率
皇天降災假手于我有命造攻自鳴條朕哉自亳惟我
商王布昭聖武代虐以寬兆民允懷今王嗣厥德罔不

在初立愛惟親立敬惟長始于家邦終于四海嗚呼先
王肇修人紀從諫弗咈先民時若居上克明爲下克忠與
人不求備檢身若不及以至于有萬邦茲惟艱哉敷求
哲人俾輔于爾後嗣制官刑做于有位曰敢有恆舞于
宮酣歌于室時謂巫風敢有殉于貨色恆于遊畋時謂淫
風敢有侮聖言逆忠直遠者德比頑童時謂亂風惟茲三
風十愆卿士有一于身家必喪邦君有一于身國必亡臣

下不匡其刑墨具訓于蒙士嗚呼嗣王祗厥身念哉聖
謨洋洋嘉言孔彰惟上帝不常作善降之百祥作不善降
之百殃爾惟德罔小萬邦惟慶爾惟不德罔大墜厥宗

太甲上

今文無古文有

惟嗣王不惠于阿衡伊尹作書曰先王顧諟天之明命
以承上下神祇社稷宗廟罔不祗肅天監厥德用集大命
撫綏萬方惟尹躬克左右厥辟宅師肆嗣王丕承基緒

金氏謂周
當作君

惟尹躬先見于西邑夏自周有終相亦惟終其後嗣王罔
克有終相亦罔終嗣王戒哉祇爾厥辟辟不辟忝厥祖
王惟庸罔念聞伊尹乃言曰先王昧爽丕顯坐以待旦
旁求俊~~文~~啓迪後人無越厥命以自覆慎乃儉德惟懷
永圖若虞機張往省括于度則釋欽厥止率乃祖攸行
惟朕以懌萬世有辭王未克變伊尹曰茲乃不義習
與性成予弗狎于弗順營于桐宮密邇先王其訓無俾世

迷王祖桐宮居憂克終允德

太甲中

惟三祀十有二月朔伊尹以冕服奉鬯王歸于亳作書
曰民非后罔克胥匡以生后非民罔以辟四方皇天眷佑
有商俾嗣王克終厥德實萬世無疆之休王拜手稽首
曰予小子不明于德自底不類欲敗度縱敗禮以速戾于
厥躬天作孽猶可違自作孽不可逭既往背師保之訓弗

克于厥初尚賴匡救之德圖惟厥終伊尹拜手稽首曰
修厥身允德協于下惟明后先王子惠困窮民服厥命
罔有不悅竝其有邦厥鄰乃曰徯我后后来無罰王懋
乃德視乃烈祖無時豫怠奉先思孝接下思恭視遠惟
明聽德惟聰朕承王之休無斁

太甲下

伊尹申誥于王曰嗚呼惟天無親克敬惟親民罔常懷懷

于有仁鬼神無常享享于克誠天位艱哉德惟治否德
亂與治同道罔不興與亂同事罔不亡終始慎厥與惟明
明后先王惟時懋敬厥德克配上帝今王嗣有令緒尚
監茲哉若升高必自下若陟遐必自邇無輕民事惟
難無安厥位惟危慎終于始有言逆于汝心心求諸
道有言遜于汝志必求諸非道嗚呼弗慮胡獲弗爲胡
成一人元良萬邦以貞君罔以辯言亂舊政臣罔以寵

利居成功邦其永孚于休

咸有一德今文無古文有

伊尹既復政厥辟將告歸乃陳戒于德曰嗚呼天難諶
命靡常常厥德保厥位厥德靡常九有以亡夏王弗克
庸德慢神虐民皇天弗保監于萬方啓迪有命眷求一德
俾作神主惟尹躬暨湯咸有一德克享天心受天明命以
有九有之師爰革夏正非天私我有商惟天佑于一德
非商求于下民惟民歸于一德德惟一動罔不吉德二

三、動罔不凶、惟吉凶不僭在人、惟天降災祥在德。今嗣
王新服厥命、惟新厥德、終始惟一、時乃日新。任官惟賢
材、左右惟其人、臣爲上爲德、爲下爲民、其難其慎、惟和惟
一。德無常師、主善爲師、善無常主、協于克一。俾萬姓
咸曰、大哉王言、又曰、一哉王心、克綏先王之祿、永底烝民
之生。嗚呼、七世之廟、可以觀德、萬夫之長、可以觀政。
后非民罔使、民非后罔事、無自廣以狹人、匹夫匹婦不獲

自盡、民主罔與成厥功。

盤庚

古文分為三篇

盤庚遷于殷民不適有居率籲衆慙出矢言曰我王來
既爰宅于茲重我民無盡劉不能胥匡以生卜稽曰其如
台先王有服恪謹天命茲猶不常寧不常厥邑于今五
邦今不承于古罔知天之斷命矧曰其克從先王之烈
若顛木之有由蘖天其永我命于茲新邑紹復先王之
業底綏四方盤庚敷于民由乃在位以常舊服正法度

曰無或敢伏小人之攸箴。王命衆悉至于庭。王若曰：格
汝衆，予告汝訓，汝猷黜乃心，無傲從康。古我先王亦惟
圖任舊人共政，王播告之修，不匿厥指，王用丕欽，罔有逸
言，民用丕變。今汝聒聒起信險膚，予弗知乃所訟。非予
自荒茲德，惟汝含德，不惕予一人。予若觀火，予亦拙謀，作
乃逸。若網在綱，有條而不紊。若農服田，力穡乃亦有秋。
汝克黜乃心，施實德于民，至于婚友，丕乃敢大言。汝有

積德，乃不畏戎毒于遠邇，惰農自安，不昏作勞，不服田
畝，越其罔有黍稷。汝不和吉言于百姓，惟汝自生毒，乃
敗禍姦宄，以自災于厥身，乃既先惡于民，乃奉其恫，汝悔
身何及。相時憮民，猶胥顧于箴言，其發有逸口，矧予制乃
短長之命。汝曷弗告朕，而胥動以浮言，恐沈于衆，若火之
燎于原，不可嚮邇，其猶可撲滅。則惟爾衆自作弗靖，非予
有咎。遲任有言曰：人惟求舊，器非求舊，惟新。古我先

王暨乃祖乃父胥及逸勤予敢動用非罰世選爾勞予不
掩爾善茲予大亨于先王爾祖其從與享之作福作災予
亦不敢動用非德 予告汝于難若射之有志汝無侮老
成人無弱孤有幼各長于厥居勉出乃力聽予一人之作
猷無有遠邇用罪罰厥死用德彰厥善邦之臧惟汝衆
邦之不臧惟予一人有佚罰 凡爾衆其惟致告自今至
于後日各恭爾事齊乃位度乃口罰及爾身弗可悔

盤庚作惟涉河以民遷乃詒民之弗率誕告用亶具有衆
咸造勿褻在王庭盤庚乃登進厥民 曰明聽朕言無荒
失朕命 嗚呼古我前后罔不惟民之承保后胥感鮮以
不浮于天時 殷降大虐先王不懷厥攸作視民利用遷
汝曷弗念我古后之聞承汝俾汝惟喜康共非汝有咎比
于罰 予若籲懷茲新邑亦惟汝故以丕從厥志 今予
將試以汝遷安定厥邦汝不憂朕心之攸困乃咸大不宣

乃心欽念以忱。動予一人。爾惟自鞠自苦。若乘舟。汝弗濟。臭厥載。爾忱不屬。惟胥以沈。不其或稽。自怒曷瘳。汝不謀長以思。乃災汝誕。勸憂今。其有今罔後。汝何生在上。今予命汝。一無起穢。以自臭。恐人倚乃身。迂乃心。予迓續乃命于天。予豈汝威。用奉畜汝衆。予念我先神后之勞爾先。予丕克羞爾。用懷爾然。失于政。陳于茲。高后丕乃崇降罪疾。曰曷虐朕民。汝萬民乃不生。生暨予一人。

猷同心。先后丕降與汝罪疾。曰曷不暨朕幼孫。有比故有爽德。自上其罰汝。汝罔能迪。古我先后。既勞乃祖乃父。汝共作我畜民。汝有戕則在乃心。我先后綏乃祖乃父。乃祖乃父乃斷棄汝。不救乃死。茲予有亂政。同位具乃貝玉。乃祖乃父丕乃告我高后。曰作丕刑于朕孫。迪高后丕乃崇降弗祥。嗚呼。今予告汝。不易。永敬大恤。無胥絕遠。汝分猷念以相從。各設中于乃心。乃有不吉不迪。顛越

不恭暫遇姦宄我乃劓殄滅之無遺育無俾易種于茲新
邑。往哉生生今予將試以汝遷永建乃家。

盤庚既遷奠厥攸居乃正厥位綏爰有衆。曰無戲怠懋
建大命。今予其敷心腹腎腸歷告爾百姓于朕志罔罪
爾衆爾無共怒協比讒言于一人。古我先王將多于前
功適于山用降我凶德嘉績于朕邦。今我民用蕩析離
居罔有定極爾謂朕曷震動萬民以遷。肆上帝將復我

高祖之德亂越我家朕及篤敬恭承民命用永地于新邑。

肆予冲人非廢厥謀弔由靈各非敢違卜用宏茲賁。

嗚呼邦伯師長百執事之人尚皆隱哉。予其懋簡相爾
念敬我衆。朕不肩好貨敢恭生生鞠人謀人之保居叙
欽。今我既羞告爾于朕志若否罔有弗欽。無總于貨
寶生生自庸。式敷民德永肩一心。

說命上

今文無古文有

王宅憂亮陰三祀既免喪其惟弗言羣臣咸諫于王曰嗚呼知之曰明哲明哲實作則天子惟君萬邦百官承式王言惟作命不言臣下罔攸稟令王庸作書以誥曰以台正于四方台恐德弗類茲故弗言恭默思道夢帝賚予良弼其代予言乃審厥象俾以形旁求于天下說築傅巖之野惟肖爰立作相王置諸其左右命之曰朝夕納

誨以輔台德。若金用汝作礪。若濟巨川用汝作舟楫。若
歲大旱用汝作霖雨。啓乃心沃朕心。若藥弗瞑眩厥
疾弗瘳。若跣弗視地厥足用傷。惟暨乃僚罔不同心以
匡乃辟。俾率先王迪我高后以康兆民。嗚呼欽予時命
其惟有終。說復于王曰。惟木從繩則正。后從諫則聖。后
克聖臣不命。其承疇敢不祇若王之休命。

說命中

惟說命總百官。乃進于王曰。嗚呼。明王奉若天道。建邦
設都。樹后王君公。承以大夫師長。不惟逸豫。惟以亂民。
惟天聰明。惟聖時憲。惟臣欽若。惟民從乂。惟口起羞。惟
甲冑起戎。惟衣裳在笥。惟干戈省厥躬。王惟戒茲。允茲克
明。乃罔不休。惟治亂在庶官。官不及私昵。惟其能。爵罔
及惡德。惟其賢。慮善以動。動惟厥時。有其善。喪厥善。
矜其能。喪厥功。惟事事。乃其有備。有備無患。無啓寵

納侮無恥過作非。惟厥攸居。政事惟醇。黷于祭祀時。謂弗欽。禮煩則亂。事神則難。王曰。旨哉。說乃言。惟服乃不良于言。予罔聞于行。說拜稽首曰。非知之艱。行之惟艱。王忱不艱。允協于先王成德。惟說不言。有厥咎。

說命下

王曰。來汝說。台小子舊學于甘盤。既乃遯于荒野。入宅于河。自河徂亳。暨厥終罔顯。爾惟訓于朕志。若作酒醴。爾

朱子云始
有學字

惟麴蘖。若作和羹。爾惟鹽梅。爾文修予。罔予棄。予惟克邁
乃訓。說曰。王人求多聞。時惟建事。學于古訓。乃有獲。事
不師古。以克永世。匪說攸聞。惟學遜志。務時敏。厥乃來
允懷于茲。道積于厥躬。惟學學半。念終始。典于學。厥德
修罔覺。監于先王成憲。其永無愆。惟說式克欽承。旁
招俊乂。列于庶位。王曰。嗚呼。說。四海之內。咸仰朕德。時
乃風。股肱惟人。良臣惟聖。昔先正保衡。作我先王。乃

曰予弗克俾厥后惟堯舜其心愧恥若撻于市一夫不獲則曰時予之辜佑我烈祖格于皇天爾尚明保予罔俾阿衡專美有商惟后非賢不乂惟賢非后不食其爾克紹乃辟于先王永綏民說拜稽首曰敢對揚天子之休命

高宗彤日 今文古文皆有

高宗彤日越有雉雉祖已曰惟先格王正厥事乃訓于王曰惟天監下民典厥義降年有永有不永非天天民民中絕命民有不若德不聽罪天既孚命正厥德乃曰其如台嗚呼王司敬民罔非天膺典祀無豐于昵

金仁山以為祖庚繹于高宗之廟非高宗祭成湯

西伯戡黎

今文古文皆有

竹書紀年西伯為武王距伐殷八年蔡傳以為文王竹書是也

西伯既戡黎，祖伊恐，奔告于王。曰：天子天既訖我殷命，格人元龜，罔敢知吉。非先王不相我後人，惟王淫戲用自絕。故天棄我，不有康食，不虞天性，不迪率典。今我民罔弗欲喪，曰天曷不降威，大命不摯。今王其如台。王曰：嗚呼！我生不有命在天。祖伊反曰：嗚呼！乃罪多參在上，乃能責命于天。殷之即喪，指乃功，不無戮于爾邦。

吳幼清謂黎國在黎陽之地，非上黨壺關之黎。伐商兵渡孟津道過黎陽，先戡黎而後至紂都也。

微子

微子若曰：父師、少師，殷其弗或亂，正四方。我祖底遂陳于上，我用沈酗于酒，用亂敗厥德于下。殷罔不小大，好草竊姦宄，卿士師師非度，凡有辜罪，乃罔恆獲。小民方興，相為敵讎。今殷其淪喪，若涉大水，其無津涯。殷遂喪，越至于今。曰：父師、少師，我其發出狂，吾家老遜于荒。今爾無指，告予顛隳，若之何其。父師若曰：王子天毒降災，荒殷邦。

方興沈酗于酒。乃罔畏畏，咈其耆長，舊有位人。今殷民乃攘竊神祇之犧牲，用以廢將食，無災降監殷民。用乂讎斂，召敵讎，不怠罪，合于一多瘠。罔詔商，今具有災，我興受其敗，商其淪喪，我罔為臣僕。詔王子出迪，我舊云刻子，王子弗出，我乃顛隕。自靖人自獻于先王，我不顧行遯。

周書

泰誓上 今文無古文有

十有三年，主武王即位之十三年，不從文王受命九年，起數年書紀年同。

惟十有三年春，大會于孟津。王曰：嗟！我友邦冢君，越我御事，庶士明聽誓。惟天地萬物父母，惟人萬物之靈。誕聰明，作元后，元后作民父母。今商王受弗敬上天，降災下民，沈湎冒色，敢行暴虐，罪人以族，官人以世，惟宮室臺榭陂池侈服，以殘害于爾萬姓，焚炙忠良，剗剔孕婦，皇天

震怒命我文考肅將天威大勳未集肆予小子發以
爾友邦冢君觀政于商惟受罔有悛心乃夷居弗事上
帝神祇遺厥先宗廟弗祀犧牲粢盛既于凶盜乃曰吾有
民有命罔懲其侮天佑下民作之君作之師惟其克相
上帝寵綏四方有罪無罪予曷敢有越厥志同力度德
同德度義受有臣億萬惟億萬心予有臣三千惟一心
商罪貫盈天命誅之予弗順天厥罪惟鈞予小子夙夜

祇懼受命文考類于上帝宜于冢土以爾有衆底天之罰
天矜于民民之所欲天必從之爾尚弼予一人永清四海
時哉弗可失

孟子有罪無罪惟我在天下曷敢有越厥志今無惟我在天下
五字換一予字文義孰通

泰誓中

惟戊午王次于河朔羣后以師畢會王乃徇師而誓曰嗚
呼西土有衆咸聽朕言我聞吉人為善惟日不足凶人為
不善亦惟日不足今商王受力行無度播棄犁老昵比罪

人淫酗肆虐臣下化之朋家作仇脅權相滅無辜顛天穢
德彰聞惟天惠民惟辟奉天有夏桀弗克若天流毒
下國天乃佑命成湯降黜夏命惟受罪浮于桀剝喪元
良賊虐諫輔謂已有天命謂敬不足行謂祭無益謂暴
無傷厥鑒惟不遠在彼夏王天其以予乂民朕夢協朕
卜襲于休祥戎商必克受有億兆夷人離心離德予
有亂臣十人同心同德雖有周親不如仁人天視自我

民視天聽自我民聽百姓有過在予一人今朕必往我武
惟揚侵于之疆取彼凶殘我伐用張于湯有光勗哉夫
子罔或無畏寧執非敵百姓懍懍若崩厥角嗚呼乃一德
一心立定厥功惟克永世

泰誓下

時厥明王乃大巡六師明誓衆士王曰嗚呼我西土君子
天有顯道厥類惟彰今商王受狎侮五常荒怠弗敬自絕

上篇云受有臣億萬惟億萬心予有臣三千惟
一心此又曰受有億兆夷人云云何其重複為欲
插入予有亂臣十人一句及雖有周親二句也又硬入
孟子所引兩言方綴以百姓云云而今朕辭義不接
今朕必往一掃湯誓之辭

于天結怨于民。斲朝涉之脛，剖賢人之心，作威殺戮，毒
痛四海，崇信姦回，放黜師保，屏棄典刑，囚奴正士，郊社不
修，宗廟不享，作奇技淫巧，以悅婦人，上帝弗順，祝降時喪，
爾其孜孜，奉予一人，恭行天罰。古人有言曰：撫我則后，虐
我則讎。獨夫受洪惟作威，乃汝世讎，樹德務滋，除惡務本，
肆予小子，誕以爾衆士，殄殲乃讎，爾衆士其尚迪果毅，以
登乃辟，功多有厚賞，不迪有顯戮。嗚呼！惟我文考，若曰

月之照臨，光于四方，顯于西土，惟我有周，誕受多方。予
克受，非予武，惟朕文考無罪，受克予，非朕文考有罪，惟予
小子無良。

中篇既云我商必克又云寧執非敵又云受克予臨敵誓衆何其言之一前一却
如此 孟子引若崩厥角是商民間寧爾之言感服稽首至地之象今作
百姓慄之若崩厥角上不湊寧執非敵之意以崩角為痛心疾首之意文義
如何可通 撫后虐讐是也世讐言母乃太過豈全抹殺六百年中賢聖之君子
白魚流火之偽泰誓固屬不經此三篇之掇拾補湊痕迹顯然可謂拙于造
偽者試以牧誓對校詞氣天懸乃並承用而不悟何也 竊謂書出偽造十
有三年之文亦不足深辨

無畏寧非敵
若崩厥角九字
與孟子同文理
孰卑孰順

牧誓

時甲子昧爽，王朝至于商郊，牧野，乃誓。王左杖黃鉞，右秉白旄，以麾。曰：逖矣，西土之人。王曰：嗟，我友邦冢君，御事司徒、司馬、司空、亞旅、師氏、千夫長、百夫長，及庸、蜀、羌、鬻、微、盧、彭、濮人，稱爾來，比爾干，立爾矛，予其誓。王曰：古人有言曰：牝雞無晨，牝雞之晨，惟家之索。今商王受，惟婦言是用，昏棄厥肆祀，弗答；昏棄厥遺王父母弟，不迪，乃

惟四方之多罪逋逃，是崇，是長，是信，是使，是以為大夫、卿士，俾暴虐于百姓，以姦宄于商邑。今予將惟恭行天之罰。今日之事，不愆于六步、七步，乃止齊焉。夫子勗哉！不愆于四伐、五伐、六伐、七伐，乃止齊焉。勗哉夫子！尚桓桓，如虎如貔，如熊如羆，于商郊，弗迓克奔，以役西土。勗哉夫子！爾所勗，其于爾躬有戮。

武成

惟一月壬辰旁死魄越翼日癸巳王朝步自周于征伐商
底商之罪告于皇天后土所過名山大川曰惟有道曾
孫周王發將有大正于商今商王受無道暴殄天物害
虐烝民為天下逋逃主萃淵藪予小子既獲仁人敢祇
承上帝以遏亂畧華夏蠻貊罔不率俾惟爾有神
尚克相予以濟兆民無作神羞既戊午師渡孟津癸亥

陳于商郊俟天休命甲子昧爽受率其旅若林會于牧野
罔有敵于我師前徒倒戈攻于後以北血流漂杵一戎衣天下
大定乃反商政政由舊釋箕子囚封比干墓式商容閣散鹿
臺之財發鉅橋之粟大賚于四海而萬姓悅服厥四月哉
生明王來自商至于豐乃偃武修文歸馬于華山之陽放牛于
桃林之野示天下弗服既生魄庶邦冢君暨百工受命
于周丁未祀于周廟邦甸侯衛駿奔走執豆蓬越三日

庚戌柴望大告武成。王若曰：嗚呼！羣后，惟先王建邦啓土，公劉克篤前烈。至于太王肇基王迹，王季其勤王家，我文考文王克成厥勳，誕膺天命，以撫方夏。大邦畏其力，小邦懷其德。惟九年大統未集，予小子其承厥志。恭天成命，肆予東征，綏厥士女，惟其士女篚厥玄黃。昭我周王，天休震動，用附我大邑周。列爵惟五分土，惟三建官，惟賢位事，惟能重民五教，惟食喪祭，惇信明義，崇德報功，垂拱而天下治。

竹書紀年，紂三十三年，王錫命西伯，得專征伐，所謂誕膺天命，以撫方夏。大邦畏其力，小邦懷其德也。時已過密而還于程矣。三十四年伐崇，降之。三十五年自程遷豐。三十六年伐昆夷，營錡。三十七年作辟雍。四十年作靈臺。四十一年而豐，所謂九年大統未集也。自得專征伐之年數起于此。凡九年矣。泥者遂必欲從元年起數，遂有受命改元之說。史記以虞為質，咸解泰誓十有三^上年，包文王之九年，而反不著武王嗣位之始年。種、謬、辰、歐、陽、氏、闕之，詳明甚矣。要其所以然者，為牽碍于伯夷傳有父死不葬，爰及于戈之說。大戴禮有文王十五而生武王，禮記有文王九十七乃終，武王九十三而終之說。文若以十三年為武王即位，十三三年則久近皆所不合。惟有上蒙文王九年，差為可通耳。然按汲冢竹書，紂四十二年為武王元年，至滅殷為十有二年，止差一年，可訂正諸說之膠擾。

洪範

惟十有三祀，王訪于箕子。王乃言曰：嗚呼！箕子，惟天陰

隲下民，相協厥居。我不知其彝倫攸叙。箕子乃言曰：我

聞在昔，鯀陞洪水，汨陳其五行。帝乃震怒，不畀洪範九疇。

彝倫攸斁，鯀則殛死，禹乃嗣興。天乃錫禹洪範九疇。彝倫

攸叙。初一日五行，次二曰敬，用五事。次三曰農，用八政。

次四曰協，用五紀。次五曰建，用皇極。次六曰乂，用三德。次

七曰明用稽疑。次八曰念用庶徵。次九曰嚮用五福威用
六極。○一五行。一曰水。二曰火。三曰木。四曰金。五曰土。水
曰潤。下火曰炎。上木曰曲直。金曰從革。土爰稼穡。潤下作
鹹。炎上作苦。曲直作酸。從革作辛。稼穡作甘。○二五事。曰
貌。二曰言。三曰視。四曰聽。五曰思。貌曰恭。言曰從。視曰明。
聽曰聰。思曰睿。恭作肅。從作乂。明作哲。聰作謀。睿作聖。○
三八政。一曰食。二曰貨。三曰祀。四曰司空。五曰司徒。六曰

司寇。七曰賓。八曰師。○四五紀。一曰歲。二曰月。三曰日。四
曰星辰。五曰曆數。○五皇極。皇建其有極。時五福。用敷
錫厥庶民。惟時厥庶民于汝極。錫汝保極。凡厥庶民無
有淫明。人無有比德。惟皇作極。凡厥庶民有猷。有爲。有
守。汝則念之。不協于極。不罹于咎。皇則受之。而康而色。曰
予攸好德。汝則錫之福。時人斯其惟皇之極。無虐瑩獨
而畏高明。人之有能有爲。使羞其行。而邦其昌。凡厥正

人既富方穀汝弗能使有好事而家時人斯其幸于其無
好德汝雖錫之福其作汝用咎 無偏無陂遵王之義無
有作好遵王之道無有作惡遵王之路無偏無黨王道蕩
蕩無黨無偏王道平平無反無側王道正直會其有極歸
其有極 曰皇極之敷言是彝是訓于帝其訓 凡厥庶
民極之敷言是訓是行以近天子之光曰天子作民父母
以爲天下王○六三德一曰正直二曰剛克三曰柔克平

康正直彊弗友剛克燮友柔克沈潛剛克高明柔克 惟
辟作福惟辟作威惟辟玉食臣無有作福作威玉食 臣
之有作福作威玉食其害于而家凶于而國人用側頗僻
民用僭忒○七稽疑擇建立卜筮人乃命卜筮 曰兩曰
霽曰蒙曰驛曰克 曰貞曰悔 凡七卜五占用二衍忒
立時人作卜筮三人占則從二人之言 汝則有大疑
謀及乃心謀及卿士謀及庶人謀及卜筮 汝則從龜從

筮從卿士從庶民從是之謂大同身其康彊子孫其逢吉

汝則從龜從筮從卿士逆庶民逆吉 卿士從龜從筮

從汝則逆庶民逆吉 庶民從龜從筮從汝則逆卿士逆

吉 汝則從龜從筮逆卿士逆庶民逆作內吉作外凶

龜筮共違于人用靜吉用作凶○八庶徵曰雨曰暘曰燠

曰寒曰風曰時五者來備各以其敘庶草蕃廡 一極備

凶一極無凶 曰休徵曰肅時雨若曰乂時暘若曰哲時

燠若曰謀時寒若曰聖時風若曰咎徵曰狂恆雨若曰僭

恆暘若曰豫恆燠若曰急恆寒若曰蒙恆風若 曰王省

惟歲卿士惟月師尹惟日 歲月日時無易百穀用成又

用明俊民用章家用平康 日月歲時既易百穀用不成

又用昏不明俊民用微家用不寧 庶民惟星星有好風

星有好雨日月之行則有冬有夏月之從星則以風雨○

九五福一曰壽二曰富三曰康寧四曰攸好德五曰考終

命六極一曰凶短折二曰疾三曰憂四曰貧五曰惡六曰弱

古註謂惡醜陋弱厄者蔡以惡為剛之過弱為柔之過合後古註

金仁山更定洪範移曰王者惟歲至則以風雨置五曰歷數之下為五紀之傳文皇建其有極句下即接無偏無陂至為天下王而移斂時五福至其作汝用咎于考終命下為九五福傳文移惟辟作福九句于六曰弱之下為五福六極之總傳

黃氏曰抄云五福不言貴而言富蓋三

旅獒

惟克商遂通道于九夷八蠻西旅底貢厥獒太保乃作旅獒用訓于王曰嗚呼明王慎德四夷咸賓無有遠邇畢獻方物惟服食器用王乃昭德之致于異姓之邦無替厥服分寶玉于伯叔之國時庸展親人不易物惟德其物德盛不狎侮狎侮君子罔以盡人心狎侮小人罔以盡其力不役耳目百度惟貞玩人喪德玩物喪志志

以道寧言以道接。不作無益害有益功乃成不貴異物
賤用物民乃足犬馬非其土性不畜珍禽奇獸不育于國
不寶遠物則遠人格所寶惟賢則邇人安。嗚呼夙夜罔
或不勤不矜細行終累大德爲山九仞功虧一簣。允迪茲
生民保厥居惟乃世王。

金山通鑑前編訂周書篇次先後君奭作于成王元年以爲
事緯之明證有七次金縢次大誥費誓篇作于此時次微子之
命次立政次多方次周官次召誥而繫多士至于朝用書命庶
殷侯甸男邦伯之下以爲誥告庶殷即多士之書也侯甸男邦伯
亦當有書其序逸出康誥之首其書即梓材然後太保入錫周
公而作誥次洛誥次蔡仲之命次無逸次君陳次顧命其康誥酒誥
篇作于武王之世書序云成王既伐管蔡以殷餘民封康叔蓋益封
非始封也。

君奭

今文古文皆有

周公若曰君奭弗弔天降喪于殷殷既墜厥命我有周
既受我不敢知曰厥基永孚于休若天棐忱我亦不敢知
曰其終出于不祥嗚呼君已曰時我我亦不敢寧于上
帝命弗永遠念天威越我民罔尤違惟人在我後嗣子孫
大弗克恭上下過佚前人光在家不知天命不易天難
諶乃其墜命弗克經歷嗣前人恭明德在今予小子旦



曰抄云古說
升配天祭
氏以陟為
升還以未
安升還主人
而言升配主
礼而言

非克有正，迪惟前人光，施于我冲子。又曰：天不可信，我道惟寧。王德延，天不庸釋于文王受命。公曰：君奭，我聞在昔，成湯既受命，時則有若伊尹，格于皇天；在太甲時，則有若保衡，在太戊時，則有若伊陟、臣扈，格于上帝；在成王時，則有若巫賢，在武丁時，則有若甘盤。

又王家在祖乙時，則有若巫賢，在武丁時，則有若甘盤。率惟茲有陳，保乂有殷，故殷禮陟配天，多歷年所。天惟純佑命，則商實百姓。王人罔不秉德明恤，小臣屏侯面

矧咸奔走，惟茲惟德，稱用乂厥辟，故一人有事于四方。若卜筮罔不是孚。公曰：君奭，天壽平格，保乂有殷，有殷嗣天滅威，今汝永念，則有固命。厥亂明，我新造邦。公曰：君奭，在昔上帝割申勸寧王之德，其集大命于厥躬，惟文王尚克修和，我有夏，亦惟有若虢叔，有若閔天，有若散宜生，有若太顛，有若南宮括。又曰：無能往來，茲迪彝教。文王蔑德降于國人，亦惟純佑，秉德迪知天威，乃惟時昭文。

王迪見冒聞于上帝。惟時受有殷命哉。武王惟茲四人。尚
迪有祿。後暨武王。誕將天威。咸劉厥敵。惟茲四人。昭武
王惟冒。丕單稱德。今在予小子旦。若游大川。予往暨
汝。適其濟。小子同未。在位。誕無我責。收罔勗不及者。造德
不降。我則鳴鳥不聞。矧曰其有能格。公曰。嗚呼。君肆其
監于茲。我受命無疆。惟休亦大。惟艱告君。乃猷裕。我不以
後人迷。公曰。前人敷乃心。乃悉命汝。而汝民極。曰汝明勗。

偶王在亶。乘茲大命。惟文王德。丕承無疆之恤。公曰。君告
汝朕允。保奭其汝克敬。以予監于殷。喪大否。肆念我天威。
予不允。惟若茲誥。予惟曰。襄我二人。汝有合哉。言曰。在時
二人。天休滋至。惟時二人。弗戢其汝克敬。德明我俊民。在讓
後人于丕時。嗚呼。篤棐時二人。我式克至。于今日休我。
咸成文王功于不怠。丕冒海隅。出日罔不率俾。公曰。君
予不惠。若茲多誥。予惟用閱于天。越民。公曰。嗚呼。君惟

乃知民德亦罔不能厥初惟其終祇若茲往敬用治

金縢

今文古文皆有

既克商二年王有疾弗豫二公曰我其爲王穆卜周
公曰未可以戚我先生公乃自以爲功爲三壇同墠爲壇
于南方北面周公立焉植璧秉珪乃告太王王季文王
史乃冊祝曰惟爾元孫某遘厲虐疾若爾三王是有丕子
之責于天以旦代某之身予仁若考能多材多藝能事
鬼神乃元孫不若旦多材多藝不能事鬼神乃命于帝
庭敷佑四方用能定爾子孫于下地四方之民罔不祇畏鳴

呼無墜天之降寶命我先王亦永有依歸。今我即命于
元龜歸之許我我其以璧與珪歸俟爾命爾不許我我乃
屏璧與珪。乃卜三龜一習吉啓籥見書乃并是吉。公
曰體王其罔害予小子新命于三王惟永終是圖茲攸俟
能念予一人。公歸乃納冊于金縢之匱中王翼日乃瘳
孺子。武王既喪管叔及其羣弟乃流言於國曰公將不利于
孺子。周公乃告二公曰我之弗辟我無以告我先王。

周公居東二年則罪人斯得。于後公乃為詩以貽王名之

曰鴟鴞王亦未敢誚公。秋大熟未獲天大雷電以風禾盡

偃大木斯拔邦人大恐王與大夫盡弁以啓金縢之書乃

得周公所自以為功代武王之說。二公及王乃問諸史與百

執事對曰信噫公命我勿敢言。王執書以泣曰其勿穆卜

昔公勤勞王家惟予冲人弗及知今天動威以彰周公之德

惟朕小子其新逆我國家禮亦宜之。王出郊天乃雨反

風禾則盡起二公命邦人凡大木所偃盡起而築之
歲則大熟

草廬吳澄云金縢弗辟鄭非孔是昭也蔡傳述于自擇而与朱子詩傳文集
不相同然謂鴉鷓取卵破巢比武庚之敗管蔡及王室則又同于詩傳而与上文
避居東都之後自相反

大誥

孔傳於不
少咸句延洪
相連言凶害
延大累我幼
冲入故前介
用皆延洪

王若曰猷大誥爾多邦越爾御事弗弔天降割于我家不
少延洪惟我幼冲人嗣無疆大歷服弗造哲迪民康矧曰
其有能格知天命已予惟小子若涉淵水予惟往求朕
攸濟敷賁敷前人受命茲不忘大功予不敢閉于天降威
用寧王遺我大寶龜一見紹天明即命曰有大艱于西土西
土人亦不靜越茲蠢殷小腆誕敢紀其敘天降威知我

國有疵民不康曰予復反鄙我周邦今蠢今翼日民獻

有十夫予翼以于救寧武圖功我有大事休朕卜并吉

肆予告我友邦君越尹氏庶士御事曰予得吉卜予惟以

爾庶邦于伐殷逋播臣爾庶邦君越庶士御事罔不反

曰艱大民不靜亦惟在王宮邦君室越予小子考翼不可

征王害不違卜肆予冲人永思艱曰嗚呼允蠢鰥寡哀

哉予造天役遺大投艱于朕身越予冲人不印自恤義爾

邦君越爾多士尹氏御事綏予曰無忘于恤不可不成乃

寧考圖功已予惟小子不敢替上帝命天休于寧王興

我小邦周寧王惟卜用克綏受茲命今天其相民矧亦惟

卜用嗚呼天明畏弼我不丕基王曰爾惟舊人爾丕克

遠省爾知寧王若勤哉天閱茲我成功所予不敢不極平

寧王圖事肆予大化誘我友邦君天棐忱辭其考我民予

曷其不于前寧人圖功攸終天亦惟用勤茲我民若有疾

予曷敢不于前寧人攸受休畢。王曰：若昔朕其逝，朕言
艱日思，若考作室，既底法，厥子乃弗肯堂，矧肯構，厥父留，
厥子乃弗肯播，矧肯穫。厥考翼其肯，曰：予有後，弗棄基肆。
予曷敢不越卬，救寧王大命。若兄考，乃有友伐厥子，民
養其勸弗救。王曰：嗚呼！肆哉！爾庶邦君，越爾御事，爽邦
由哲，亦惟十人，迪知上帝命，越天棐忱，爾罔敢易法，矧
今天降戾于周邦，惟大艱人，誕鄰胥伐于厥室，爾亦不知。

天命不易。予永念曰：天惟喪殷，若穡夫，予曷敢不終朕
畝。天亦惟休于前寧人。予曷其極卜，敢弗于從，率寧人
有指疆土，矧今卜并吉，肆朕誕以爾東征，天命不僭，卜陳
惟若茲。

武王之伐殷也，有紂惡可數，至武庚之叛國，以父僂于情，于理皆有
可原，而無罪可聲。况有自家骨肉為之，啓釁乎？而骨肉之釁，又未
便明，誥于有眾，周公于此措辭，良難。只得以下之不可違反，覆指示
以拒眾論，而堅士心，亦不覺其理短而辭費矣。祖范記。

費誓

公曰。嗟。人無譁。聽命。祖茲。淮夷。徐戎。竝興。善。敕。乃。甲。冑。
敵。乃。干。無。敢。不。弔。備。乃。弓。矢。鍛。乃。戈。矛。礪。乃。鋒。刃。無。敢。不。
善。今。惟。淫。舍。牯。牛。馬。杜。乃。獲。斂。乃。寘。無。敢。傷。牯。牯。之。傷。
汝。則。有。常。刑。馬。牛。其。風。臣。妾。逋。逃。無。敢。越。逐。祇。復。之。我。
商。賚。汝。乃。越。逐。不。復。汝。則。有。常。刑。無。敢。寇。攘。踰。垣。牆。竊。馬。
牛。誘。臣。妾。汝。則。有。常。刑。甲。戌。我。惟。征。徐。戎。峙。乃。糗。糧。無。

敢不逮汝則有大刑魯人三郊三遂峙乃楨榦甲戌我惟
築無敢不供汝則有無餘刑非殺魯人三郊三遂峙乃芻
芟無敢不多汝則有大刑

微子之命

今文無古文有

王若曰猷殷王元子惟稽古崇德象賢統承先王修其禮
物作賓于王家與國咸休永世無窮嗚呼乃祖成湯克
齊聖廣淵皇天眷佑誕受厥命撫民以寬除其邪虐功加
于時德垂後裔爾惟踐修厥猷舊有令聞恪慎克孝肅
恭神人予嘉乃德曰篤不忘上帝時歆下民祗協庸建爾
于上公尹茲東夏欽哉徃敷乃訓慎乃服命率由典常

以蕃王室。弘乃烈祖。律乃有民。永綏厥位。毗予一人。世世
享德。萬邦作式。俾我有周。無斁。嗚呼。往哉。惟休。無替朕
命。

立政

周公若曰。拜手稽首。告嗣天子王矣。用咸戒于王曰。王左右
常伯。常任。準人。綴衣。虎賁。周公曰。嗚呼。休茲。知恤。鮮哉。古
之人。迪惟有夏。乃有室大競。顛俊尊上帝。迪知忱恂于九
德之行。乃敢告教厥后曰。拜手稽首。后矣。曰。宅乃事。宅乃
牧。宅乃準。茲惟后矣。謀面用丕訓德。則乃宅人。茲乃三宅。
無義民。桀德。惟乃弗作。往任。是惟暴德。罔後。亦越成。

湯陟丕釐上帝之耿命乃用三有宅克即宅曰三有俊
克即俊嚴惟丕式克用三宅三俊其在商邑用協于厥
邑其在四方用丕式見德嗚呼其在受德啓惟羞刑暴
德之人同于厥邦乃惟庶習逸德之人同于厥政帝欽罰
之乃俾我有夏式商受命奄甸萬姓亦越文王武王克知
三有宅心灼見三有俊心以敬事上帝立民長伯立政
任人準夫牧作三事虎賁綴衣趣馬小尹左右攜僕百

司庶府大都小伯藝人表臣百司太史尹伯庶常吉士
司徒司馬司空亞旅夷微盧丞三亳汭尹文王惟克
厥宅心乃克立茲常事司牧人以克俊有德文王罔攸兼
于庶言庶獄庶慎惟有司之牧夫是訓用違庶獄庶慎文
王罔敢知于茲亦越武王率惟救功不敢替厥義德率惟
謀從容德以並受此丕丕基嗚呼孺子王矣繼自今我
其立政立事準人牧夫我其克灼知厥若丕乃俾亂相我

受民和我庶獄庶慎時則勿有間之。自一話一言我則
末惟成德之彥以乂我受民。嗚呼予旦已受人之微言
咸告孺子王矣。繼自今文子文孫其勿誤于庶獄庶慎惟
正是乂之。自古商人亦越我周文王立政立事牧夫準人則
克宅之克由繹之茲乃俾乂。國則罔有立政用儉人不訓于
德是罔顯在厥世。繼自今立政其勿以儉人其惟吉士用勩相
我國家。今文子文孫孺子王矣其勿誤于庶獄惟有司之

牧夫。其克詰爾戎兵以陟禹之迹方行天下至于海表罔
有不服以覲文王之耿光以揚武王之太烈。嗚呼繼自今後
王立政其惟克用常人。周公若曰太史司寇蘇公式敬爾
由獄以長我王國茲式有慎以列用中罰。

多方 今文古文皆有

惟五月丁亥王來自奄至于宗周 周公曰王若曰猷告爾四
國多方惟爾殷侯尹民我惟大降爾命爾罔不知 洪惟圖
天之命弗永寅念于祀 惟帝降格于夏有夏誕厥逸不
肯感言于民乃大淫昏不克終日勸于帝之迪乃爾攸聞
厥圖帝之命不克開于民之麗乃大降罰崇亂有夏因甲
于內亂不克靈承于旅罔丕惟進之恭洪舒于民亦惟有夏

葉氏陳氏櫟
謂古者治獄
以附罪為麗

之民叨憤日欽。剗剗夏邑。天惟時求民主。乃大降顯休。命于成湯。刑殄有夏。惟天不畀純。乃惟以爾多方之義民。不克永于多享。惟夏之恭多士。大不克明。保享于民。乃胥惟虐于民。至于百為。大不克開。乃惟成湯克以爾多方簡。代夏作民主。慎厥麗乃勸。厥民刑用勸。以至于帝乙。罔不明德。慎罰亦克用勸。要囚殄戮多罪。亦克用勸。開釋無辜。亦克用勸。今至于爾辟。弗克以爾多方享天之命。嗚呼王。

若曰。誥告爾多方。非天庸釋有夏。非天庸釋有殷。乃惟爾辟以爾多方。大淫圖天之命。胥有辭。乃惟有夏圖厥政。不集于享。天降時喪。有邦間之。乃惟爾商後王。逸厥逸。圖厥政。不蠲烝。天惟降時喪。惟聖罔念作狂。惟狂克念作聖。天惟五年。須臾之于孫。誕作民主。罔可念聽。天惟求爾多方。大動以威。開厥顧天。惟爾多方罔堪顧之。惟我周王。靈承于旅。克堪用德。惟典神天。天惟式教我用休。簡畀殷命。尹

皇矣之詩
所謂惟彼
四國爰究
爰度上帝
書之增其
武廓乃眷
西顧與定
此惟旨
委畧同

爾多方。今我曷敢多誥。我惟大降爾四國民命。爾曷不
忱裕之于爾多方。爾曷不夾介乂我周王。享天之命。今爾尚
宅爾宅。畋爾田。爾曷不惠王熙天之命。爾乃迪屢不靜。爾
心未愛爾乃。不大定天命。爾乃屑播天命。爾乃自作不典。圖
忱于正。我惟時其教告之。我惟其戰要囚之。至于再。至于
三。乃有不用我降爾命。我乃其大罰殛之。非我有周秉德
不康寧。乃惟爾自速辜。王曰。嗚呼。猷告爾有方多士。暨

殷多士。今爾奔走臣我。監五祀。越惟有胥伯。小大多正。爾罔
不克臬。自作不和。爾惟和哉。爾室不睦。爾惟和哉。爾邑克
明。爾惟克勤乃事。爾尚不忌于凶德。亦則以穆穆在乃位。
克閱于乃邑。謀介。爾乃自時洛邑。尚永力畋爾田。天惟畀
矜爾。我有周惟其大介。資爾迪簡。王庭尚爾事。有服在大
僚。王曰。嗚呼。多士。爾不克勸忱我命。爾亦則惟不克享。凡民
惟曰不享。爾乃惟逸。惟頗。大遠王命。則惟爾多方探天之威。

威之
我則致天之罰。離逖爾土。王曰：我不惟多誥，我惟祇告爾命。又曰：時惟爾初，不克敬于和，則無我怨。

周官今文無古文有

惟周王撫萬邦，巡侯甸，四征弗庭，綏厥兆民，六服羣辟，罔不承德，歸于宗周。董正治官。王曰：若昔大猷，制治于未亂，保邦于未危。曰：唐虞稽古，建官惟百，內有百揆，四岳外有州牧，侯伯，庶政惟和，萬國咸寧。夏商官倍，亦克用乂。明王立政，不惟其官，惟其人。今予小子祇勤于德，夙夜不逮，仰惟前代時若，訓迪厥官，立太師、太傅、太保，茲惟三公。

論道經邦。燮理陰陽。官不必備。惟其人。少師少傅少保曰
三孤。貳公弘化。寅亮天地。弼予一人。冢宰掌邦治。統百官
均四海。司徒掌邦教。敷五典。擾兆民。宗伯掌邦禮。治神
人和上下。司馬掌邦政。統六師。平邦國。司寇掌邦禁。詰
姦慝。刑暴亂。司空掌邦土。居四民。時地利。六卿分職。各
率其屬。以倡九牧。阜成兆民。六年五服一朝。又六年王乃時
巡。考制度于四岳。諸侯各朝于方岳。大明黜陟。王曰。鳴

呼。凡我有官君子。欽乃攸司。慎乃出令。令出惟行。弗惟反。以
公滅私。民其允懷。學古入官。議事以制。政乃不迷。其爾典
常。作之師。無以利口。亂厥官。蓄疑敗謀。怠忽荒政。不學不
牆。面菴事惟煩。戒爾卿士。功崇惟志。業廣惟勤。惟克果斷。
乃罔後艱。位不期驕。祿不期侈。恭儉惟德。無載爾偽。作德
心逸日休。作偽心勞日拙。居寵思危。罔不惟畏。弗畏入畏。
推賢讓能。庶官乃和。不和政厖。舉能其官。惟爾之能。稱

匪其人惟爾不任。王曰：嗚呼！三事暨大夫，敬爾有官，亂爾有政，以佑乃辟。永康兆民，萬邦惟無斁。

召誥今文古文皆有

惟二月既望，越六日乙未，王朝步自周，則至于豐。惟太保
光周公相宅，越若來。三月惟丙午朏，越三日戊申，太保朝至
于洛，則宅厥既，得卜則經營。越三日庚戌，太保乃以庶殷
攻位于洛汭，越五日甲寅，位成。若翼日乙卯，周公朝至于
洛，則達觀于新邑營。越三日丁巳，用牲于郊，牛二。越翼
日戊午，乃社于新邑，牛一，羊一，豕一。越七日甲子，周公乃朝

合祭天地之
證社非祭
地之證

吳澄謂多士
篇即其命庶
殷之書而舊
注云多士作于
祀洛次年之三月
非也

用書命庶殷侯甸男邦伯。厥既命殷庶，庶殷丕作。太
保乃以庶邦冢君出取幣，乃復入錫周公曰：拜手稽首，旅
王若公誥告庶殷。越自乃御事。嗚呼！皇天上帝，改厥元
子，茲大國殷之命。惟王受命，無疆惟休，亦無疆惟恤。嗚呼！
曷其柰何弗敬！天既遐終大邦殷之命，茲殷多先哲王
在天，越厥後王，後民茲服厥命。厥終智藏，瘝在夫知保
抱携持厥婦子，以哀籲天。徂厥亡出執。嗚呼！天亦哀于四方

民其眷命用懋，王其疾敬德。相古先民有夏，天迪從子保
面稽天若，今時既墜厥命。今相有殷，天迪格保，面稽天若。今
時既墜厥命。今冲子嗣，則無遺壽考。曰其稽我古人之
德，矧曰其有能稽謀自天。嗚呼！有王雖小，元子哉！其不能
誠于小民，今休。王不敢後，用顧畏于民若。王來紹上帝，自
服于土中。旦曰其作大邑，其自時配皇天。絜祀于上下，其自
時中乂。王厥有成命，治民今休。王先服殷御事，比介于我有

周御事節性。惟日其邁。王敬作所。不可不敬德。我不可
不監于有夏。亦不可不監于有殷。我不敢知曰。有夏服天命。
惟有歷年。我不敢知曰。不其延。惟不敬厥德。乃早墜厥命。
我不敢知曰。有殷受天命。惟有歷年。我不敢知曰。不其延。惟
不敬厥德。乃早墜厥命。今王嗣受厥命。我亦惟茲二國命。
嗣若功。王乃初服。嗚呼。若生子罔不在厥初。生自貽哲命。
今天其命哲。命吉凶。命歷年。知今我初服。宅新邑。肆惟

王其疾敬德。王其德之用。祈天永命。其惟王勿以小民淫
用非彝。亦敢殄戮用乂。民若有功。其惟王位在德元。小民
乃惟刑用于天下。越王顯。上下勤恤。其曰我受天命。丕若
有夏歷年。式勿替有殷歷年。欲王以小民受天永命。拜手
稽首曰。予小臣敢以王之讎。民百君子。越友民。保受王威命。
明德。王末有成命。王亦顯我非敢勤。惟恭奉幣。用供王能。
祈天永命。

多士

惟三月，周公初于新邑洛，用告商王士。王若曰：爾殷遺
多士，弗弔，旻天大降喪于殷。我有周佑命，將天明威，致王
罰，勅殷命，終于帝。肆爾多士，非我小國，敢弋殷命。惟天
不畀，允罔固亂，弼我。我其敢求位。惟帝不畀，惟我下民秉
爲，惟天明畏。我聞曰：上帝引逸，有夏不適，逸則惟帝降格。
嚮于時夏，弗克庸帝，大淫泆，有辭。惟時天罔念聞，厥惟

重提高
揭洞心震

廢元命降致罰。乃命爾先祖成湯革夏。俊民甸四方。自成湯至于帝乙。罔不明德恤祀。亦惟天丕建。保乂有殷。殷王亦罔敢失帝。罔不配天其澤。在今後嗣王。誕罔顯于天。矧曰其有聽念于先王。勤家誕淫厥泆。罔顧于天顯。民祇。惟時上帝不保。降若茲大喪。惟天不畀。不明厥德。凡四方小大邦喪。罔非有辭于罰。王若曰。爾殷多士。今惟我周王丕靈承帝事。有命曰。割殷告勅于帝。惟我事

入遷民另
起頭

來世以台為
口舌實果
然

不貳適。惟爾王家我適。予其曰。惟爾洪無度。我不爾勳。自乃邑。予亦念天。即于殷大戾。肆不正。王曰。猷告爾多士。予惟時其遷居西爾。非我一人奉德。不康寧時。惟天命無違。朕不敢有後。無我怨。惟爾知。惟殷先人有冊。有典。殷革夏命。今爾其曰。夏迪簡在王庭。有服在百僚。予一人惟聽用德。肆予敢求爾于天邑商。予惟率肆矜爾。非予罪時。惟天命。王曰。多士。昔朕來自奄。予大降爾四國民命。我乃

明致天罰、移爾遐逝、比事、臣我宗多遜。王曰、告爾殷
多士、今予惟不爾殺、予惟時命有申、今朕作大邑于茲、
洛、予惟四方罔攸賓、亦惟爾多士攸服、奔走、臣我多遜。
爾乃尚有爾土、爾乃尚寧幹止、爾克敬天、惟畀矜、
爾爾不克敬、爾不啻不有爾土、予亦致天之罰于爾躬、
今爾惟時宅爾邑、繼爾居、爾厥有幹、有年于茲、洛、爾
小子乃興從爾遷。王曰、又曰、時予乃或言、爾攸居。

洛誥

周公拜手稽首曰、朕復子明辟。王如弗敢及天、基命定、
命予乃胤保大相東土、其基作民明辟。予惟乙卯朝至于
洛師、我卜河朔黎水、我乃卜澗水東、瀍水西、惟洛食、我又卜
瀍水東、亦惟洛食、佯來、以圖及獻卜。王拜手稽首曰、公不
敢不敬天之休來相宅、其作周匹休、公既定宅、佯來來視、
予卜休恒吉、我二人共貞、公其以予萬億年敬天之休、拜手稽

首誨言。周公曰。王肇稱殷禮。祀于新邑。咸秩無文。予齊
百工。俾從王于周。予惟曰。庶有事。今王即命曰。記功宗。以
功作元祀。惟命曰。汝受命篤弼。丕視功載。乃汝其悉自教
工。孺子其明。孺子其明。其往無若火。始燄燄。厥攸灼。叙弗
其絕。厥若彝。及撫事如予。惟以在周。工往新邑。俾嚮即有
僚。明作有功。惇大成裕。汝永有辭。公曰。已。汝惟冲子。惟終。
汝其敬識。百辟享。亦識其有不享。享多儀。儀不及物。惟曰不

享。惟不役志于享。凡民惟曰不享。惟事其爽侮。乃惟孺子
頒朕不暇。聽朕教汝于棊。民彝。汝乃是不獲。六時。惟不永
哉。篤敘乃正父。罔不若予。不敢廢乃命。汝往敬哉。茲予其明農
哉。彼裕我民。無遠用戾。王若曰。公明保予。冲子。公稱丕顯德。
以予小子。揚文武烈。奉答天命。和恒四方。民居師。惇宗將
禮。稱秩元祀。咸秩無文。惟公德明光于上下。勤施于四方。旁
作穆穆。迓衡不迷。文武勤教。予冲子夙夜。旣祀。王曰。公功棊

迪篤罔不若時。王曰：公予小子其退，即辟于周。命公後，四方迪亂，未定于宗禮，亦未克救公功。迪將其後，監我士師，工誕保文武受民，亂爲四輔。王曰：公定予往，已公功，肅將祇歡，公無困哉。我惟無斃其康事，公勿替刑，四方其世享。周公拜手稽首曰：王命予來，承保乃文祖受命，民越乃光烈考武王弘朕恭。孺子來相宅，其大惇典，殺獻民亂，爲四方新辟。作周恭先，曰其自時中，乂萬邦，咸休。惟王

有成績。予旦以多子越御事，篤前人成烈，答其師，作周孚先考。朕昭子刑，乃單文祖德。佅來佖殷，乃命寧予，以秬鬯二卣，曰明禋，拜手稽首，休享。予不敢宿，則禋于文王武王。惠篤敘，無有邁自疾，萬年厭于乃德。殷乃引考，王佅殷，乃承敘萬年，其永觀朕子懷德。戊辰，王在新邑，烝祭歲，文王騂牛一，武王騂牛一。王命作冊，逸祝冊。惟告周公其後，王賓殺禋，咸格。王入太室裸。王命周公後作

冊逸誥在十有二月。惟周公誕保文武受命。惟七年。

二孔注疏以命公後為命立公後于魯。惟生周公其後。謂以立周之。後生諸文武在十有二月。為周公攝政。盡此十二月。惟七年為周公攝政。七年蓋倒記年月之文。蔡傳不從。以書七年周公復政于王。八年命魯侯。命魯侯侯。魯侯侯。遷庶殷于魯。十一年命周公治東都。蓋君陳也。至二十一年。周公薨于豐。並無單洛七年而薨之說。遷庶殷于魯。與左傳分魯以殷民六族相合。名誥記月日如此詳細。獨未明書何年。故于洛誥篇末標明見自二月既望。盡十二月為一年事也。七年而薨之說。斷不然。

康誥

今文古文皆有

惟三月哉生魄。周公初基作新大邑于東國洛。四方民大和會。侯甸男邦采衛。百工播民和。見士于周。周公咸勤。乃洪大誥治。王若曰。孟侯。朕其弟。小子封。惟乃丕顯考文王。克明德慎罰。不敢侮鰥寡。庸庸。祗祗。威威。顯民。用肇造我區夏。越我一二邦。以修我西土。惟時怙冒。聞于上帝。帝休。天乃大命文王。殪戎殷。誕受厥命。越邦邦厥民。惟

時敘乃寡兄勸肆汝小子封在茲東土 王曰嗚呼封汝
念哉今民將在祗適乃文考紹聞不德言往敷求于殷先
哲王用保乂民汝丕遠惟商考成人宅心知訓別求聞由
古先哲王用康保民弘于天若德裕乃身不廢在王命
王曰嗚呼小子封恫瘝乃身敬哉天畏悲忱民情大可見
小人難保往盡乃心無康好逸豫乃其乂民我聞曰怨不
在大亦不在小惠不惠懋不懋 已汝惟小子乃服惟弘

王應保殷民亦惟助王宅天命作新民 王曰嗚呼封敬
明乃罰人有小罪非青乃惟終自作不典立爾有厥罪小
乃不可不殺乃有大罪非終乃惟青災適爾既道極厥辜
時乃不可殺 王曰嗚呼封有敘時乃大明服惟民其勅
懋和若有疾惟民其畢棄咎若保赤子惟民其康乂 非
汝封刑人殺人無或刑人殺人又曰非汝封劓刑人無或
劓刑人 王曰外事汝陳時臬司斯茲殷罰有倫 又曰

要囚服念五六日。至于旬時，丕蔽要囚。王曰：汝陳時臬事，罰蔽殷彝，用其義刑，義殺勿庸。以次汝封，乃汝盡遜，曰：時敘，惟曰未有遜事。已，汝惟小子，未其有若汝封之心。朕心朕德，惟乃知。凡民自得罪，寇攘姦宄，殺越人于貨，啓不畏死，罔弗憝。王曰：封，元惡大憝，矧惟不孝不友，子弗祇服厥父事，大傷厥考心，于父不能字厥子，乃疾厥子。于弟弗念天顯，乃弗克恭厥兄，兄亦不念鞠子哀，大不友。

于弟，惟弔茲，不與我政人得罪。天惟與我民彝，大泯亂，曰：乃其速由文王作罰，刑茲無赦。不率大真，矧惟外庶子，訓人惟厥正人，越小臣諸節，乃別播敷，造民大譽，弗念弗庸，瘵厥君，時乃引惡，惟朕懃已，汝乃其速由茲義，率殺亦惟君惟長，不能厥家人，越厥小臣外正，惟威惟虐，大放王命，乃非德用乂。汝亦罔不克敬典，乃由裕民，惟文王之敬忌，乃裕民曰：我惟有及，則予一人以懌。王曰：封，爽。

惟民迪吉康。我時其惟殷先哲王德。用康乂民。作求矧今。
民罔迪不適。不迪則罔政在厥邦。王曰。封。予惟不可不
監。告汝德之說于罰之行。今惟民不靜。未戾厥心。迪屢未
同。爽惟民迪。罰殛我。我其不怨。惟厥罪無在大。亦無在多。
矧曰其尚顯聞于天。王曰。嗚呼。封。敬哉。無作怨。勿用非
謀。非彝。蔽時忱。丕則敏德。用康乃心。顧乃德。遠乃猷。裕
乃以民寧。不汝瑕殄。王曰。嗚呼。肆汝小子封。惟命不于

常。汝念哉。無我殄享。明乃服命。高乃聽。用康乂民。王
若曰。往哉。封。勿替敬典。聽朕告汝。乃以殷民世享。

酒誥

王若曰。明大命于妹邦。乃穆考文王。肇國在西土。厥誥
毖庶邦。庶士越少士^正御事。朝夕曰。祀茲酒。惟天降命。肇我
民。惟元祀。天降威。我民用大亂。喪德亦罔非酒。惟行。越
小大邦。用喪亦罔非酒。惟辜。文王誥教小子。有正有事。
無彝酒。越庶國。飲惟祀。德將無醉。惟曰我民迪小子。惟
土物愛。厥心臧。聰聽祖考之彛訓。越小大德。小子惟一。

妹土。嗣爾股肱。純其藝黍稷。奔走事厥考厥長。肇牽車
牛。遠服賈用。孝養厥父母。厥父母慶。自洗腆致用酒。庶士
有正。越庶伯君子。其爾典聽朕教。爾大克羞。若惟君。爾乃
飲食醉飽。丕惟曰。爾克永觀省。作稽中德。爾尚克羞饋祀。
爾乃自介用逸。茲乃允惟王正事之臣。茲亦惟天若元德。永
不忘在王家。王曰。封我西土。棐祖邦君御事。小子尚克用
文王教。不腆于酒。故我至于今。克受殷之命。王曰。封我聞

惟曰在昔殷先哲王迪畏天顯小民經德秉哲自成湯咸
至于帝乙成王畏相惟御事厥隸有恭不敢自暇自逸矧
曰其敢崇飲越在外服侯甸男衛邦伯越在內服百僚
庶尹惟亞惟服宗工越百姓里居罔敢湏于酒不惟不敢亦
不暇惟助成王德顯越尹人祇辟我聞亦惟曰在今後嗣
王酣身厥命罔顯于民祇保越怨不易誕惟厥縱淫泆于非
彝用燕喪威儀民罔不盡傷心惟荒腆于酒不惟自息乃

逸厥心疾狠不克畏死辜在商邑越殷國滅無罹弗惟德
馨香祀登聞于天誕惟民怨庶羣自酒腥聞在上故天降
喪于殷罔愛于殷惟逸天非虐惟民自速辜王曰封予不
惟若茲多誥古人有言曰人無於水監當於民監今惟殷墜
厥命我其可不夫監撫于時予惟曰汝劼毖殷獻臣侯甸
男衛矧太史友內史友越獻臣百宗工矧惟爾事服休服采
矧惟若疇圻父薄違農父若保宏父定辟矧汝剛制于酒

厥或誥曰羣飲汝勿佚盡執拘以歸于周予其殺又惟
殷之迪諸臣惟工乃湏于酒勿庸殺之姑惟教之有斯明
享乃不用我教辭惟我一人弗恤弗蠲乃事時同于殺王
曰封汝典聽朕恣勿辯乃司民湏于酒

梓材

王曰封以厥庶民暨厥臣達大家以厥臣達大^王惟邦君
汝若恒越曰我有師師司徒司馬司空尹旅曰予罔厲殺
人亦厥君先敬勞肆徂厥敬勞肆徂姦宄殺人歷人宥肆
亦見厥君事戕敗人宥王啓監厥亂爲民曰無胥戕無
胥虐至于敬寡至于屬婦合由以容王其效邦君越御事
厥命曷以引養引恬自古王若茲監罔攸辟惟曰若稽田

既勤敷蓄，惟其陳修，為厥疆畎。若作室家，既勤垣墉，惟其塗暨茨。若作梓材，既勤樸斲，惟其塗丹雘。今王惟曰：先王既勤用明德，懷為夾庶邦，享作兄弟，方來亦既用明德。后式典集，庶邦丕享。皇天既付中國，民越厥疆土于先王。肆王惟德用，和懌先後，迷民用懌先王受命。已若茲監，惟曰欲至于萬年，惟王子子孫孫永保民。

蔡仲之命

今文無古文有

惟周公位冢宰，正百工，羣叔流言，乃致辟管叔于商，囚蔡叔于郭鄰，以車七乘，降霍叔于庶人，三年不齒。蔡仲克庸，祇德，周公以為卿士，叔卒，乃命諸王、邦之蔡。王若曰：小子胡，惟爾率德改行，克慎厥猷，肆予命爾侯于東土，往即乃封，敬哉。爾尚蓋前人之愆，惟忠惟孝，爾乃邁迹自身，克勤無怠，以垂憲乃後。率乃祖文王之彝訓，無若爾考之違王命。

皇天無親惟德是輔。民心無常惟惠之懷。為善不同同歸。于治為惡不同同歸。于亂爾其戒哉。慎厥初惟厥終。終以不困。不惟厥終。終以困窮。懋乃攸績。睦乃四鄰。以蕃王室。以和兄弟。康濟小民。率自中。無作聰明亂舊章。詳乃視聽。罔以側言改厥度。則予一人汝嘉。王曰。嗚呼。小子胡。汝往哉。無荒棄朕命。

君陳今文無古文有

王若曰。君陳。惟爾令德。孝恭。惟孝友于兄弟。克施有政。命汝尹茲東郊。敬哉。昔周公師保萬民。民懷其德。往慎乃司。茲帥厥常。懋昭周公之訓。惟民其乂。我聞曰。至治馨香。感于神明。黍稷非馨。明德惟馨。爾尚式時周公之猷訓。惟日孜孜。無敢逸豫。凡人未見聖。若不克見。既見聖。亦不克由聖。爾其戒哉。爾惟風。下民惟草。圖厥政。莫或不艱。有廢有

興出入自爾師虞庶言同則繹爾有嘉謀嘉猷則入告
爾后于內爾乃順之于外曰斯謀斯猷惟我后之德嗚呼臣
人咸若時惟良顯哉王曰君陳爾惟弘周公丕訓無依勢
作威無倚法以削寬而有制從容以和殷民在辟予曰辟爾
惟勿辟予曰宥爾惟勿宥惟厥中 有弗若于汝政弗化于汝
訓辟以止辟乃辟狃于茲究敗常亂俗三細不宥爾無
忿疾于頑無求備于一夫 必有忍乃其有濟有容德乃

大 簡厥修亦簡其或不修進厥良以率其或不良惟民
生厚因物有遷違上所命從厥攸好爾克敬典在德時乃罔
不變允升于大猷惟予一人膺受多福其爾之休終有辭
于永世

無逸

今文古文皆有

周公曰。嗚呼。君子所其無逸。先知稼穡之艱難。逸則知小人之依。相小人。厥父母勤勞稼穡。厥子乃不知稼穡之艱難。乃逸。乃諺。既誕。否則侮厥父母。曰。昔之人無聞。知周公曰。嗚呼。我聞曰。昔在殷王中宗。嚴恭寅畏。天命自度。治民祇懼。不敢荒寧。肆中宗之享^國七十有五年。其在高宗時。舊勞于外。爰暨小人。作其即位。乃或亮陰。三年不言。其惟不

言言乃雍不敢荒寧嘉靖殷邦至于小大無時或怨肆高
宗之享國五十有九年其在祖甲不義惟王舊為小人作
其即位爰知小人之依能保惠于庶民不敢侮鰥寡肆祖
甲之享國三十有三年自時厥後立王生則逸生則逸不
知稼穡之艱難不聞小人之勞惟耽樂之從自時厥後亦
罔或克壽或十年或七八年或五六年或四三年周公鳴
呼厥亦惟我周太王王季克自抑畏文王卑服即康功田

功徽柔懿恭懷保小民惠鮮鰥寡自朝至于日中昃不遑
暇食用咸和萬民文王不敢盤于遊田以庶邦惟王之供文
王受命惟終身厥享國五十年周公曰嗚呼繼自今嗣王則
其無淫于觀于逸于遊于田以萬民惟正之供無皇曰今日
耽樂乃非民攸訓非天攸若時人不則有愆無若殷王受之迷
亂酗于酒德哉周公曰嗚呼我聞曰古之人猶胥訓告胥
保惠胥教誨民無或胥譸張為幻此厥不聽人乃訓之乃

變亂先王之正刑。至于小大民。否則厥心違怨。否則厥口詛祝。周公曰。嗚呼。自殷王中宗及高宗及祖甲及我周文王。茲四人迪哲。厥或告之曰。小人怨汝詈汝。則皇自敬德。厥愆曰。朕之愆。允若時。不啻不敢舍怒。此厥不聽。人乃或譎張為幻。曰。小人怨汝詈汝。則信之。則若時。不永念厥辟。不寬綽厥心。亂罰無辜。殺無辜。怨有后。乂叢于厥身。周公曰。嗚呼。嗣王其監于茲。

顧命

惟四月。哉生魄。王不懌。甲子。王乃洮頰水。相被冔服。憑玉几。乃同名太保。奭古伯彤。伯干公衛侯。毛公師氏。虎臣。百尹御事。王曰。嗚呼。疾大漸。怛幾病。日臻。既彌留。恐不獲誓言嗣。茲予審訓命汝。昔君文王武王。宣重光。奠麗陳教。則肄肄不違。用克達殷集大命。在後之侗。敬迓天威。嗣守文武大訓。無敢昏逾。今天降疾。殆弗興弗悟。

爾尚明時朕言用敬保元子釗弘濟于艱難柔遠能邇
安勸小大庶邦思夫人自亂于威儀爾無以釗冒貢于非
幾茲既受命還出綴衣于庭越翼日乙丑王崩太保
命仲桓南宮毛俾爰齊侯呂伋以二千戈虎賁百人逆子
釗于南門之外延入翼下恤宅宗丁卯命作用度越
七日癸酉伯相命士須材狄設黼辰綴衣桴間南嚮
敷重篋席黼純華玉仍几西序東嚮敷重底席絺純文

貝仍几東序西嚮敷重豐中畫純雕玉仍几
西夾南嚮敷重筥席玄紛純漆仍几越玉五重陳寶赤大訓
弘璧琬琰在西序大玉八玉天沙河圖在東序胤之舞衣
大貝鼗鼓在西房兌之戈和之弓垂之竹矢在東房大
輅在賓階面綴輅在阼階面先輅在左塾之前次輅在右
塾之前二人雀弁執惠立于畢門之內四人綦弁執戈
上刃夾兩階阼一人冕執劉立于東堂一人冕執鉞立于

西堂一人冕執戣立于東垂一人冕執瞿立于西垂一人冕執銳立于側階王麻冕黼裳由賓階躋卿士邦君麻冕蟻裳入即位太保太史太宗皆麻冕彤裳太保承介圭上宗奉同瑁由阼階躋太史秉書由賓階躋御王冊命曰皇后憑玉几道揚天命六嗣訓臨君周邦率循天下燮和天下用答揚文武之光訓王再拜興答以眇眇予末小子其能而亂四方以詛忌天威乃受同瑁王三

宿三祭三啖上宗曰饗太保受同降盥以異同未竟以酢授宗人同拜王答拜太保受同祭躋寔授宗人同拜王答拜太保降收諸侯出廟門侯

康王之誥

王出在應門之內太保率西方諸侯入應門左畢公率東方諸侯入應門右皆布乘黃朱賓稱奉圭兼幣曰一二臣衛敢執壤奠皆再拜稽首王義嗣德答拜太保暨芮伯

咸進相揖皆再拜稽首曰敢敬告天子皇天改大邦殷之
命惟周文武誕受美若克恤西土惟新陟王畢協賞罰
戡定厥功用敷遺後人休今王敬之哉張皇六師無壞我
高祖寡命王若曰庶邦侯甸男衛惟予一人釗報告
昔君文武丕平富不務底至齊信用昭明于天下則亦
有熊羆之士不二心之臣保乂土家用端命于上帝皇天
用訓厥道付畀四方乃命建侯樹屏在我後之人今予

一二伯父尚育暨顧綏爾先公之臣服于先王雖爾身在
外乃心罔不在王室用奉恤厥若無遺鞠子羞
皆聽命相揖趨出王釋纆反喪服

畢命

今文無古文有

惟十有二年六月庚午朏。越三日壬申。王朝步自宗周。至于
豐。以周之衆命畢公保釐東郊。王若曰。嗚呼。父師。
惟文王武王敷大德于天下。用克受殷命。惟周公左右
先王。綏定厥家。罔殷頑民。遷于洛邑。密邇王室。式化厥訓。
既歷三紀。世變風移。四方無虞。予一人以寧。道有升降。
政由俗革。不臧厥臧。民罔攸勸。惟公懋德。克勤小物。弼

亮四世正色率下罔不祇師言嘉績多于先王予小子
垂拱仰成王曰嗚呼父師今予祇命公以周公之事往
哉旌別淑慝表厥宅里彰善癉惡樹之風聲弗率
典殊厥井疆俾克畏慕申畫郊圻慎固封守以康四海
政貴有恆辭尚體要不怙好異之習俗靡靡利口惟賢餘
風未殄公其念哉我聞曰世祿之家鮮克由禮以蕩陵德
實悖天道愆化奢麗萬世同流茲殷庶士席寵惟舊怙

侈滅義服美于人驕淫矜侈將由惡終雖收放心閑之惟艱
資富能訓惟以永年惟德惟義時乃大訓不由古訓于何
其訓王曰嗚呼父師邦之安危惟茲殷士不剛不柔厥德
允修惟周公克慎厥始惟君陳克和厥中惟公克成厥終
三后協心同底于道道洽政治澤潤生民四夷左衽罔不咸賴
予小子永膺多福公其惟時成周建無窮之基亦有無
窮之間子孫訓其成式惟又嗚呼罔曰弗克惟既厥心罔

曰民寡惟慎厥事欽若先王成烈以休于前政

罔命

今文無古文有

王若曰伯罔惟予弗克于德嗣先人宅丕后怵惕惟厲中夜
以興思免厥愆昔在文武聰明濟聖小大之臣咸懷忠良
其侍御僕從罔匪正人以旦夕承弼厥辟出入起居罔有不
欽發號施令罔有不臧下民祇若萬邦咸休惟予一人無
良實賴左右前後有位之士匡其不及繩愆糾謬格其非
心俾克紹先烈今予命汝作大正正于羣僕侍御之臣

懋乃后德。交修不逮。慎簡乃僚。無以巧言令色。便辟側媚。其惟吉士。僕臣正。厥后克正。僕臣諛。厥后自聖。后德惟臣。不德惟臣。爾無昵于儉人。充耳目之官。迪上以非先王之典。非人其吉。惟貨其吉。若時瘵厥官。惟爾大弗克祗厥辟。惟予汝辜。王曰。嗚呼。欽哉。永弼乃后于彝憲。

君牙今文無古亦有

王若曰。嗚呼。君牙。惟乃祖乃父。世篤忠貞。服勞王家。厥有成績。紀于太常。惟予小子。嗣守文武成康遺緒。亦惟先王之臣。克左右亂四方。心之憂危。若蹈虎尾。涉于春冰。今命爾予翼。作股肱心膂。纘乃舊服。無忝祖考。弘敷五典。式和民則。爾身克正。罔敢弗正。民心罔中。惟爾之中。夏暑雨。小民惟曰怨咨。冬祈寒。小民亦惟曰怨咨。厥惟艱哉。思其

艱以圖其易。民乃寧。嗚呼。不顯哉。文王謨。不承哉。武王
烈。啓佑我後人。咸以正罔缺。爾惟敬明乃訓。用奉若于先
王。對揚文武之光命。追配于前人。王若曰。君牙。乃惟由先
正。舊典時式。民之治亂在茲。率乃祖考之攸行。昭乃辟之
有乂。

暑雨祁寒。小民怨咨。古說多謂民情難得。使人主思其艱。而圖其易。務恤
民情。較蔡傳尤平易。

呂刑

惟呂命。王享國百年。耄荒。度作刑以詰四方。王曰。若古
有訓。蚩尤惟始作亂。延及于平民。罔不寇賊。鴟義。姦宄。奪
攘。矯虔。苗民弗用靈制。以刑。惟作五虐之刑。曰法。殺戮
無辜。爰始淫爲劓。劓。椽。黥。越茲麗刑。并制。罔差有辭。民
興胥漸。泯泯。焚焚。罔中于信。以覆。詛盟。虐威。庶戮。方告無
辜于上。上帝監民。罔有馨香德。刑發聞。惟腥。皇帝哀矜

庶戮之不辜報虐以威遏絕苗民無世在下乃命重黎
絕地天通罔有降格羣后之逮在下明明棐常鰥寡無蓋

皇帝清問下民鰥寡有辭于苗德威惟畏德明惟明

乃命三后恤功于民伯夷降典折民惟刑禹平水土主名
山川稷降播種農殖嘉穀三后成功惟殷于民士制百
姓于刑之中以教祗德穆穆在上明明在下灼于四方
罔不惟德之勤故乃明于刑之中率乂于民棐彞典獄

非訖于威惟訖于富敬忌罔有擇言在身惟克天德自作
元命配享在下王曰嗟四方司政典獄非爾惟作天牧
今爾何監非時伯夷播刑之迪其今爾何懲惟時苗民匪
察于獄之麗罔擇吉人觀于五刑之中惟時庶威奪貨斷
制五刑以亂無辜上帝不蠲降咎于苗苗民無辭于罰乃
絕厥世王曰嗚呼念之哉伯父伯兄仲叔季弟幼子童
孫皆聽朕言庶有格命今爾罔不由慰日勤爾罔或戒不

勤天齊于民俾我一日非終惟終在人爾尚敬逆天命以
奉我一人雖畏勿畏雖休勿休惟敬五刑以成三德一人
有慶兆民賴之其寧惟永王曰吁來有邦有土告爾祥
刑在今爾安百姓何擇非人何敬非刑何度非及兩造
具備師聽五辭五辭簡字正于五刑五刑不簡正于五罰
五罰不服正于五過五過之疵惟官惟反惟內惟貨惟
來其罪惟均其審克之五刑之疑有赦五罰之疑有赦

其審克之簡字有衆惟貌有稽無簡不聽具嚴天威墨
辟疑赦其罰百錢閱實其罪劓辟疑赦其罰惟倍閱實其
罪剕辟疑赦其罰倍差閱實其罪宮辟疑赦其罰六百錢
閱實其罪大辟疑赦其罰千錢閱實其罪墨罰之屬千劓
罰之屬千剕罰之屬五百宮罰之屬三百大辟之罰其屬
二百五刑之屬三千上下比罪無僭亂辭勿用不行惟察
惟法其審克之上刑適輕下服下刑適重上服輕重諸

罰有權刑罰世輕世重惟齊非齊有倫有要 罰懲非死
人極于病非佞折獄惟良折獄罔非在中察辭于差非從
惟從哀敬折獄明啓刑書胥占咸庶中正其刑其罰其審
克之獄成而孚輸而孚其刑上備有并兩刑 王曰嗚呼
敬之哉官伯族姓朕言多懼朕敬于刑有德惟刑今天相
民作配在下明清于單辭民之亂罔不中聽獄之兩辭無
或私家于獄之兩辭獄貨非寶惟府辜功報以庶尤永畏

惟罰非天不中惟人在命天罰不極庶民罔有令政在于
天下 王曰嗚呼嗣孫今往何監非德于民之中尚明聽
之哉哲人惟刑無疆之辭屬于五極咸中有慶受王嘉師
監于茲祥刑

文侯之命

王若曰。父義和不顯。文武克慎明德。昭升于上。敷聞在下。惟時上帝。集厥命于文王。亦惟先正克左右。昭事厥辟。越小大謀猷。罔不率從。肆先祖懷在位。嗚呼。閔予小子。嗣造天丕愆。殄資澤于下民。侵戎我國家。純即我御。事罔或耆壽俊。在厥服。予則罔克。曰惟祖惟父。其伊恤朕躬。嗚呼。有績予一人。永綏在位。父義和。汝克昭乃顯祖。汝肇刑。

文武用會紹乃辟。追孝于前文人。汝多修扞我于艱。若汝
予嘉。王曰。父義和其歸視爾師。寧爾邦。用賚爾秬鬯。一
卣。彤弓一彤矢百。盧弓一盧矢百。馬四匹。父往哉。遠能
邇。惠康小民。無荒寧簡恤爾都。用成爾顯德。

秦誓

公曰。嗟。我士聽無譁。予誓告汝羣言之首。古人有言曰。
民訖自若是多盤。責人斯無難。惟受責俾如流。是惟艱哉。
我心之憂。日月逾邁。若弗云來。惟古之謀人。則曰未
就予忌。惟今之謀人。姑將以爲親。雖則云然。尚猷詢茲黃
髮。則罔所愆。番番良士。旅力既愆。我尚有之。佗佗勇夫。
射御不違。我尚不欲。惟截截善論言。俾君子易辭。我皇多

有之。昧昧我思之。如有一介臣。斷斷猗。無他技。其心休
休焉。其如有容。人之有技。若已有之。人之彥聖。其心好之。不
啻如自其口出。是能容之。以保我子孫黎民。亦職有利哉。
人之有技。冒疾以惡之。人之彥聖。而違之。俾不達。是不
能容。以不能保我子孫黎民。亦曰殆哉。邦之杌隉。曰由
一人。邦之榮懷。亦尚一人之慶。